



唐類函

四十一

人部
德 陰德 德服人
讓 恭 敬
智 智謀 聰敏


博 物
信 節 操
高 潔
快 整
公 平
直 慎

勤 勞
儉 剛 勇 壯 貴 富 貧 債 負

隱 逸

卷六十一

13
2413
40



13
2413
40

唐類函卷二百三十三

明東吳俞安期彙纂

明武林胡心存校訂

人部十三

博物

信

節操

高潔

修整

德

陰德

德服人

讓

恭敬

○德

一類聚

易曰君子進德修業欲及時也 又曰見龍在田德

施普也 尚書曰惟德動天無遠不届 又曰臯陶

邁衆德德乃降 毛詩曰德輶如毛民鮮克舉之

左傳曰君人者將昭德塞違以臨照百官 又曰故

人部

卷二百三十三

德

昭令德以示子孫 又曰官之失德寵賂彰也 又曰夫德儉而有度 又曰楚子問鼎大小輕重焉王孫滿對曰德之休明雖小重也 又曰德以柔中國 孝經曰先王有至德要道 又曰聖人之德無以加於孝乎 論語曰為政以德譬如北辰 又曰德行顏淵閔之騫 又曰有德者必有言有言者不必有德 又曰驥不稱其力稱其德也 文子曰川廣者魚大地廣者德厚 呂氏春秋曰宋景公時熒惑在心公問子韋對曰禍在君可移宰相公曰宰相所與治國也曰移於民公曰民死誰與為君曰移於歲

曰歲饑民必死子韋曰天處高而聽卑君有至德之言三天必賞君熒惑果徙三舍 鹽鐵論曰以道德為城以仁義為郭 又曰以道德為胃以仁義為劔 漢書曰有陰德者天報以福 漢雜事曰太史言有德星見當有英才賢德同遊者詔下諸郡縣問潁川郡上事曰有陳太丘父子三人俱共會社 東觀漢記曰張堪為馮翊見府寺門即下王簿進曰位尊德重不宜自輕堪曰禮下公門何謂輕哉 荀氏家傳曰荀彧德行周備其所規摹以聖人為度 海內先賢傳曰黃憲動則蹈規矩言則發德音

德二帖

皇天輔皇天無親惟德是輔黎民敏言民疾修德廣所及德

所大不踰語大德無常師德無師必有鄰子曰德不

而康非我周秉德不康成而上德成而上反為亂反德棄

不祥棄德不祥鎮物符堅入寇朝野震恐謝玄入見安

請安遂與玄出遊山墅與玄綦賭墅安常劣於玄是

潤身禮德日休周書作德星聚陳太丘詣荀淑善政

善政德惟攻人以德攻人懿文懿文德盛美德言盛美言

綏我以德和人以德度處度德恃昌特德報功崇德

改行崇德音茂德音禮防禮以施惠施德恭儉德惟吉凶德

凶惟馨明德既飽德以既阻德我惟延書惟寧王德惟慙

惟有德欲報德咸有德不修語德之不修不易德禮不

回執德有嘉皆有有度德儉務崇明德務滋樹德避

火扶出王徽之俱有雅量一旦火發其舍徽之走不

也墮地徐起裴遐在東平將軍周馥坐與火圍綦馥

徐起還坐色無變綦費禕字文偉時魏軍至假禕往禦

然亦羽檄圍綦蜀費禕字文偉時魏軍至假禕往禦

至人馬擐甲嚴駕訖禕與敏竟日對戲色舉止自若喜怒

無倦敏曰試君耳必能辨賊也果有功舉止自若喜怒

交錯於道官屬莫不莫見仇覽家人莫見九世清德羊祜九世並清八世

名德

揚震字伯起入世祖禧封赤泉侯高祖敞丞相父寶隱居自農至七世名德震及玄孫彪四世

為太尉世

九世祖學

後漢伏湛九世祖伏生經學九有名德

世敦睦

汜毓字稚春奕世敦睦逮毓九世

雅頌者美盛

天地之大

德曰非威非懷何以足畏足

憚

貌足畏也德與德音上德先以下軍超

將中軍故

育德

君子以振

曰上德也

後德

老子失道

英華外發

容止可觀

晉左九嬪德柔頌曰

邈邈德柔越天之剛神以知

來智以藏往含純溥生允矣君子

德也大成執德純粹岳峻川停履行高厲蕩乎其平敦興聖道率正不

傾令問不已載路厥聲

晉左九嬪德剛贊曰

温温德剛寔秉道純履此聖

義體此敦仁篤物博好靡疏靡親九族懷附邦邑望

塵貴實賤華尚素安貧雖在崇高必若平民匪道之

榮譬之生民褒飾之譽謂之謗身惟義是存惟道是

遵

梁元帝全德志序曰

老子言全德歸厚莊周云全

德不刑呂覽稱全德之人故以全德創其名也此志

隆大夫為首伊人有學有辯不夭不貧寶劍在前鼓

瑟從後連環炙輶雍容卒歲駟馬高車優游宴喜既

令公侯踞掌復使要荒蹶角入室生光豈非盛矣若
乃河宗九策事等神鉤陽雍雙璧理歸玄感南陽樊
重高閣連雲北海公沙門人成市咨此八龍各傳一
藝夾河兩郡家有萬石人生行樂止足為先但使樽
酒不空坐客恒滿寧與孟嘗問琴承睫淚下中山聽
瑟悲不自禁同年而語也

祭元帝全德志論曰物我俱忘無貶廊廟之器動
寂同遣何累經綸之才雖坐三槐不妨家有三徑接
五侯不妨門垂五柳但使良園廣宅面水帶山饒甘
果而足花卉葆筠篁而玩魚鳥九月肅霜時饗田畯

三春捧爾乍酬蠶妾酌升酒而歌南山烹羔豚而擊
西缶或出或處竝以全身為貴優之游之咸以忘懷
自逸若此眾君子可謂得之矣

○陰德帖白

斬蛇史孫叔敖見兩頭蛇恐人更見乃斬埋之叔敖
尹治河和熹鄧太后訓女叔駭言嘗聞活千人子孫
道可信家存孤太史公曰韓厥感晉靈公紹存孤以
必蒙福存孤成程嬰杵曰之義韓氏陰德於趙其
大者與魏終為報女順烈皇后之父商曰我先人全濟
諸侯十世宜乎報女河西活者不可勝數積德必報
當在此葬書生後漢王恽字少林請京師於空舍中
女也葬書生見一書生病困憊而視之曰吾腰下
有金十斤相贈乞藏骸骨未及問姓而絕恽埋牛肉
齋一斤營葬餘悉置棺下無知者詳亭長

晉周訪得密埋其肉不使知之 **多活人** 獄多活人後世

何字詔不至九卿乎 **多陰德** 必高其門我治獄多陰

故字詔曰升卿 **不望報** 老子為而不恃聖 **必陽報** 蛇許斬立

有興者 **孤自殺** 齊史程嬰立孤兒訖還自殺趙武服 **加緋未死**

陰邪吉病上使加緋而封夏侯勝曰未死臣聞有 **未**

管安殺 **管安殺** 管安殺一人後亦有興者 **必有餘慶** 積善之

慶 **天惟報施** **神亦福謙** **靜陰合德** **行成於內**

○ **德服人** 帖白 **不競** 傳曰德則不皆化 後漢逢萌前修道 **河潤** 左傳河

及四海 **風偃** 德草草上之風必偃 **德攻** 以德攻人

德服 行成於身唯有德 **引車避** 上使蘭相如位在廉頗

肉袒負荆謝罪 **折節下** 吳程普以年長侮周瑜折

告人曰與周瑜交若 **歸單車** 許劭字子將為功曹太

飲醇醪不覺自醉也 **守遺劍** 先賢行狀

道曰豈可使子將見之遂單車歸 **遺劍** 曰王烈識

責甘心乞不使人皆因性氣誨之後有盜牛者發曰罪

心後老父遺劍於路有 **不犯舍** 黃巾不犯孫先 **皆改**

操 **野集** 靈著在竹林無毒草威鳳在野 **難得而測** 良

才高見黃叔度未嘗不正容及歸 **惘然** 有失母曰汝

復從牛醫兒來耶對曰良不見叔度 **相謂** 曰時月不見

觀其人固難得而測矣 **陳蕃** 周舉相謂曰 **時月** 不見

佩印 **不為所短** 陳寔字仲弓鄉里化其德人有過 **若**

綬 **不為所短** 曰寧為刑罰所加不為陳君所短 **若**

犯嚴刑皇甫謐高士傳曰管寧字幼安鄰有牛犯寧
犯嚴刑是以**若飲醇醪**詳

○讓藝文類聚

尚書曰舜帝曰俞咨禹汝平水土惟時懋哉禹拜稽首讓于稷尚賢臯陶 周官大司徒職曰以陽禮教讓則民不爭 禮記曰君子恭敬樽節退讓以明禮 又曰子云觴酒豆肉讓而受惡民猶犯齒衽席之上讓而坐下民猶犯貴朝廷之位讓而就賤民猶犯忠 又曰君子貴人而賤己先人而後己則民作讓 又曰天子有善讓德於天諸侯有善歸諸天子士

庶人有善本諸父祖 左傳曰宋穆公疾召大司馬孔父而屬殤公焉曰先君舍與夷而立寡人若棄不讓是廢先君之舉也豈曰能賢 又曰齊侯使管夷吾平戎于王使隰朋平戎于晉王以上卿之禮而饗管仲辭曰臣賤有司也有天子之守國高在若節春秋來承王命何以禮焉陪臣敢辭王曰舅氏余嘉乃勳應乃懿德謂督不忘往踐乃職管仲受下卿之禮而還君子曰管氏之世祀也宜哉讓不忘其上 又曰讓禮之主也范宣子讓其下皆讓 周書曰湯放桀於亳三千諸侯大會湯取天子之璽置之天子之

人部 卷一百三十三
坐再拜從諸侯之位湯曰此天子之位有道者可以處之三讓三千諸侯莫敢卽位然後湯卽天子之位
論語曰子曰泰伯三以天下讓民無得而稱焉

又曰能以禮讓爲國乎何有 孝經曰先之以敬讓而民不爭 家語曰虞芮二國爭田連年不決相謂曰西伯仁人也盍往質焉入其境則耕者讓畔行者讓路入其朝則士讓爲大夫大夫讓爲卿虞芮之君曰吾儕小人不可以入君子之朝 慎之曰堯讓許由舜讓善卷皆辭爲天子而退爲匹夫 列子曰昔堯舜僞以天下讓許由善卷而不失天下伯夷叔齊

實以孤竹讓而終忘其國 莊子曰堯以天下讓許由曰日月出矣而燭火不息其於光也不亦難乎時雨降矣而猶浸灌其於澤也不亦勞乎 符子曰泰伯將讓其國於季歷謂其傅曰太王欲以一國之事而以嗣我我其羞之吾聞至人也不若一世而萬世以之君不貴一代而萬代以之貴吾安能貴乎一國而賤乎萬代哉 史記曰太伯虞仲知古公欲立季歷以傳昌乃亾如荆蠻文身斷髮以讓季歷 又曰太尉周勃立代王代王曰奉高帝宗廟事重寡人不佞不足以稱寡人不敢當羣臣皆伏固請代王西向

讓者三南向讓者再 又曰魯連既說秦軍秦軍為
 却平原君欲封魯連魯連辭謝者三終不肯受平原
 君乃置酒酒酣起前以千金為魯連壽連歎曰所貴
 天下之士者為人排患釋難解紛而無所取也即有
 取者是商賈之事連不忍為也遂辭而去終身不復
 見 又曰董偃與館陶主家兒博戲殿下主伏檻觀
 之偃負財饒人勝則有讓主益奇之 又曰伯夷叔
 齊孤竹君之子也父欲立叔齊及卒齊乃讓伯夷曰
 父命也遂逃去 又曰吳王諸樊元年已除喪讓位
 季札季札棄室而耕乃舍之 漢書曰金日磾在武

帝左右屬霍光以輔少主光讓曰磾曰臣外國
 人且使匈奴輕漢於是遂為光副 又曰文帝初立
 以陳平為相太尉周勃親以兵誅呂氏功多平欲讓
 勃位迺謝病文帝怪平曰高帝時勃功不如臣及誅
 諸呂臣功亦不如勃願以相讓勃 又曰韋賢薨子
 玄成當為嗣玄成心知其非賢旨陽為病狂臥便利
 妄笑語既葬當襲爵以病狂不應大鴻臚奏狀章下
 丞相御史案驗玄成素有名聲士大夫多疑其欲讓
 爵於兄丞相御史遂以玄成實不病劾奏之有詔勿
 劾引拜玄成不得已受侯爵 又曰龔遂為渤海太

守數年上遣使者徵遂議曹王生願從太守會遂引入宮王生醉從呼曰願有所白遂問其故王生曰天子卽問君何以治渤海君不可有所陳宜曰皆聖主之德非小臣之力也上果問以治狀遂對如王生言天子悅其有讓歎曰君安得長者之言而稱之遂因前曰臣非有知此乃臣議曹教戒臣也 東觀漢記曰承宮遭王莽篡位天下擾攘盜賊並起宮遂避世漢中建武四年將妻子之華陰山谷耕種禾黍臨熟人就認之宮悉推與而去由是顯名 又曰上封朱祐祐自陳功薄而國大願受南陽五百戶足矣上不

許 又曰竇融光武時數辭爵位因上疏曰臣融年五十三有一子年十五質性頑鈍臣融朝夕教導以經藝不得令觀天文見識記誠欲令恭肅畏事恂恂修道不顯其有才能何況乃當傳以連城廣土享侯國哉 又曰鄧騭永初元年封騭等以定策增三千戶讓不獲遂逃避使者閉關上疏自陳 又曰歐陽尚書博士缺上欲用桓榮榮叩頭讓曰臣經術淺薄不如同門生郎中彭宏揚州從事臯弘帝曰俞往汝諧因拜榮爲博士 又曰淳于恭以謙儉推讓爲節家有山田橡樹人有盜取之者恭助爲收拾載之歸

乃知是恭其盜還橡恭不受人又有盜刈恭木者恭見之念其愧因伏草中至去乃起 續漢書曰張堪

讓先人餘財數百萬與兄子 謝承後漢書曰雷義

舉茂才讓於陳重刺史不聽義遂佯狂 詳薦 魏志

曰太祖署邲原為丞相徵事崔琰為東曹掾記讓曰

徵事邲原議郎張範皆秉德純壹志行忠方清淨足

以厲俗貞固足以幹事所謂龍翰鳳翼國之重寶舉

而用之不仁者遠 魏武令曰讓禮一寸得禮一尺

魏武雜事曰辭爵逃祿不以利累名不以位虧德

之謂讓 吳志曰魯肅卒孫權以嚴峻代肅峻前後

辭曰僕素書生不閑軍事非才而據咎悔必至發

慷慨至于流涕權乃聽焉世嘉其能以實讓 又

曰薛綜為選曹尚書固讓顧譚曰譚心精體密貫道

達微才照人物德服眾望誠非愚臣所可越先 又

曰邳悝字方回拜給事黃門侍郎悝苦求外出時吳

郡缺朝議用悝悝以資輕而年少不宜超登大郡辭

讓切至朝廷嘉之 江表傳曰程普頗以年長陵侮

周瑜瑜折節下之不與校 詳德 許遜別傳曰遜年

七歲無父躬耕負薪以養母盡孝敬之道與寡嫂共

田桑推讓好者自取其荒不營榮利母常諱之如此

當乞食無處君笑應母曰但願老母壽耳 郭翻別
 傳曰翻經水墜刀於水路人有為取者翻因與之路
 人不取至於三四路人固辭翻曰爾向不取我豈能
 得乎路人曰吾若取此物為天地鬼神所責矣翻知
 其終不受乃流刀於向所失處路人悵然乃復沒為
 之翻於是逆其意十倍刀價與之 山海經曰
 君子國民衣冠帶劔土方千里多薰華之草好讓故
 稱君子國

讓二曰 按本作謙讓

仁大 宋公疾太子茲父固請曰目夷長且仁目夷曰能以讓國仁孰大焉

主 主也 **德柄** 謙德之柄也 **如慢** 大讓如慢 **有終** 君子

不爭 道塗不爭陰陽之和 **必下** 韋玄成謙遜下士遇

讓善 善則稱人過則讓善 **謙能** 謙能推賢 **宗讓** 劉寔字

與讓 一家讓一 **謙光** 易謙尊 **謙益** 易謙招

天道益 天道虧盈 **地道流** 地道變盈 **若布衣** 陸玩

為後殿 孟之反後 **不驕人** 尹

無矜滿 王伯有平吳功 **不驕人** 尹

早以自牧 謙謙君子早以 **鬼**

人道好謙 天道敬親 **鳴謙** **攜謙** **泰**

伯三讓 **晉侯三辭** **夷齊讓國** **虞芮讓畔** **能**

人部 卷一百三十三
以禮讓 不爲禍先 問高難對 調下易悲 雖
質而已矣 然陋如之何 向鵬衢而自愧 瞻鵷
路以驚蒐

梁陸雲泰伯碑曰夫至仁至德垂風垂化內修訓
範外陶氓俗百年之教淳道載凝而百年既終遺愛
斯軫莫不肅虔寢廟著名金石遺其後昆聿遵前典
是以禹堂既毀增飾丹青堯碑載焚重覩刊勒泰伯
清慶二儀協靈七曜志輕天下慈深萬物脫屣岐周
况讓之風斯舉端委揚越衣冠之俗載成重以仲雍
湯波延陵蹈節民習敦厚俗懷忠信憂深思遠千載

遺風美哉洋洋致足觀也昔滄洲遁迹箕山辭位志
守幽優不越樽俎猶以稱首高節標名往代豈若吾
君之子義結民心獄訟載歸謳歌屢請能舍玉輿之
貴永襲皮冠之迹悠然獨往信無德而稱焉吳啓金
車晉遷紫蓋寔號帝鄉爰是天邑若乃忠人入國悽
愴生悲殉義希風懦夫立志

論晉劉寔崇讓論曰古之聖王之治天下所以貴讓
者欲以出賢才而息爭也夫人情莫不皆欲己之賢
也故勸令讓賢以自明賢豈假讓不賢哉故讓道與
賢能之人不求而自出矣至公之舉不口而自立矣

一官缺擇衆官所讓最多者而用之審才之道也在朝之人相讓於上草廬之人咸皆化之推能讓賢之風從此生矣爲一國所讓一國士也天下所共則天下才也推讓之風行賢與不肖灼然殊矣此道之行在上者無所用其心故曰蕩蕩乎堯之爲君莫之能名言天下自治不見堯所以治之故不能名也又曰舜禹之有天下而不與焉無爲而治者其舜也與賢人相讓于朝大才之人恒在大官小人不爭於野則天下無事矣以賢才治無事至治興矣已仰其成復何所與故可歌南風之詩彈五弦之琴也 晉孫盛

周泰伯三讓論曰孔子曰泰伯其可謂至德也已矣三以天下讓民無得而稱焉鄭玄以爲托採藥而行一讓也不奔喪二讓也斷髮文身三讓也三者之美皆隱蔽而不著王肅曰其讓隱故民無得而稱焉盛謂玄旣失之而肅亦未爲得也玄之所云三迹顯然天下所共見也何得云隱而未著乎三迹苟著則高讓可知亦復不得云其讓隱也蓋泰伯之出讓迹已露不奔喪故一事耳斷髮之言與左傳明文相背又不經也然則稱三讓者其在古公至文王乎周之王業顯於夏又受命於昌泰伯玄覽棄周太子之位一

讓也假託遜遁受不赴喪之譏潛推大美二讓也無
胤嗣而不養仲雍之子以為已後是其深思遠妨令
周嫡在昌天人叶從四海悠悠無復纖芥疑惑二讓
也凡此三者帝王之業故孔子曰三以天下讓言非
其常讓若臧札之倫者也

○恭敬一初學

論語曰恭近於禮遠恥辱也禮記曰中正無邪禮之
質也莊敬恭順禮之制也昔者魯哀公問孔子曰何
以敬身對曰君子過言則人作辭過動則人作則君
子言不過辭動不過則百姓不令而敬恭如是則能

敬其身能敬其身則能成其親又禮記少儀曰賓客

主恭祭祀主敬敬恭之道不可廢也左傳曰正考父

佐戴武宣三人皆三命茲益恭三命故其鼎銘曰一

命而僂再命而偃三命而俯俯恭於偃循牆而走言

敢安亦莫余敢侮其恭如是人論語曰樊遲問仁子

曰居處恭執事敬與人忠雖之夷狄不可棄也夷狄

知猶當以魯國先賢傳曰魯有恭士者名曰汜行年

七十其恭益甚冬日行陰夏日行陽一食之間三起

魯君問曰子年甚長矣何不釋恭汜對曰君子好恭

以成其名小人學恭以除其刑譽人者少惡人者多

行年七十常恐斧鑕之加於汜者何釋恭焉

齊致慈 毛詩曰思齊太任文王之母鄭玄注文王

日入室儂然必有見乎其位周還出戶肅然必有聞

乎其容聲出戶而聽愜然必有聞乎歎息之聲是故

先王之孝也色不忘乎日聲不絕乎耳心志嗜慾不

忘乎心致愛則存致慈則著著存不忘乎心志嗜慾不

則敬享思終身弗辱也 **詩美温温** 雅稱翼翼

日温温恭人如集于木惴惴小心如敬以免禍 **恭**

臨於谷 禮記云鄉飲酒之禮主人拜迎賓于門之外

以存位 入三揖而後至階三讓而後升所以致尊讓

也盥洗揚禪所以致潔也拜至拜洗拜受拜送拜既

所以致敬也君子所以免禍也故聖人制之以道

易繫辭曰君子 **正服** 去冠 虞豫會稽典錄曰陳

謙恭以存其位惟謹敬及其居二千石九卿位少年童

豎拜者皆正朝服與之抗禮若疾病不能答拜輒拊

額以謝之 左傳曰楚子狩于州來次于穎尾使蕩

侯潘子司馬督囂尹午陵尹喜帥師圍徐以懼吳楚

子次于乾溪以為之援雨雪王皮冠秦復陶翠被豹

舄執鞭以出僕圻父從右尹子革父王見之去冠被

舍鞭杜預注 **遽瑗下門** 韓卓趨社 孟儀同載曰衛

日敬大臣也 **遽瑗下門** 韓卓趨社 孟儀同載曰衛

為人恭儉篤禮夜行過公門必下車為誰夫夫人必

坐有車當闕無聲公謂夫人曰知車為誰夫夫人必

遽伯玉也何以言之伯玉衛之篤禮者也夫禮下公

門而路馬今車當闕無聲是下門也非伯玉誰能聞

行而不廢禮公使問之果是江微陳留志曰韓卓

趨厚純固恭而多愛博學洽聞好道人以善遇社則

食其肉 **尚賢** 敬老 庸庸衮衮曰定公問周書所謂

對曰不失其道明之於人之謂也夫能用可則能

致理矣敬可敬則能尚賢矣 **正巾** 欽雅 襄陽耆

肅恭明神敬事者老賦事行刑 **正巾** 欽雅 襄陽耆

必問於遺訓而諮於故實也 **正巾** 欽雅 襄陽耆

舊傳曰龐公躬耕妻子相待如賓休息則正巾端坐

卷之三十三

二六 恭敬

中者老宗長見趙盾假寐茅容危坐左傳曰晉靈公不君趙盾宣

者箕踞斂衽子驟諫公患之使鉏麇賊之晨往寢門闢矣盛服將

朝尚早坐而假寐麇退歎而言曰不忘恭敬民之主

也賊民之主不忠棄君之命不信遂觸槐而死謝承後漢書曰茅容字季偉陳留人也年四十餘耕於

野時與等輩避雨樹下衆皆箕踞相對容獨危坐愈恭郭林宗見而奇之

禮興敬禮之仁地敬慎者仁也德聚恭敬德之聚也貌思敬事思

思理躬禮曰致禮以理躬則威嚴稽首萬石君恭敬過宮

路馬必式上賜食於家必文容文以君之容歛膝陶侃為

稽首俯伏而食如於上前軾廬魏文侯軾廬于木若惕易乾

而近禮終日執轡迎侯軾廬于木若惕易乾厲若惟寅夙夜惟寅無文無文不逆謂之恭接

馬尊人君子自甲役仁恭儉以行已子產其行儷

貌踧踖恭貌兢業兢兢業業怵惕敬貌毋不敬禮何不敬書

貌曰恭洪範無禮則勞子曰恭而無禮則不中謂野

貌曰恭洪範無禮則勞子曰恭而無禮則不中謂野

貌曰恭洪範無禮則勞子曰恭而無禮則不中謂野

貌曰恭洪範無禮則勞子曰恭而無禮則不中謂野

貌曰恭洪範無禮則勞子曰恭而無禮則不中謂野

貌曰恭洪範無禮則勞子曰恭而無禮則不中謂野

貌曰恭洪範無禮則勞子曰恭而無禮則不中謂野

貌曰恭洪範無禮則勞子曰恭而無禮則不中謂野

貌曰恭洪範無禮則勞子曰恭而無禮則不中謂野

貌曰恭洪範無禮則勞子曰恭而無禮則不中謂野

貌曰恭洪範無禮則勞子曰恭而無禮則不中謂野

貌曰恭洪範無禮則勞子曰恭而無禮則不中謂野

貌曰恭洪範無禮則勞子曰恭而無禮則不中謂野

貌曰恭洪範無禮則勞子曰恭而無禮則不中謂野

貌曰恭洪範無禮則勞子曰恭而無禮則不中謂野

大尊其瞻視君子正其衣冠尊其瞻敬爾威儀鞠

躬如也入公門鞠躬如也色莊者乎命不易哉

敬可棄乎敬必有德必恭則不侮儉身

恭已相下以卑起敬思恭敬遠恥恭

卷之三十三

恭敬

寡過 敬以直內 卑以自牧 如祭之敬 若思

之莊 業業戒慎 慄慄危懼 德以慎立 名以

恭聞 禮主於敬 行先乎恭 能自中出肅乎容

貌 禮由外作慎爾威儀

宋鮑明遠還舊廬詩曰肅裝屬雲旅奉鞠承末塗

嚴恭履桑梓加敬覽粉榆 魏文帝樂府短歌行曰

出不厭高水不厭深周公吐哺天下歸心

魏曹植詩 奕引曰置酒高殿上親友從我遊中厨

德若何欲何求

德若何欲何求

智一 藝文類聚

易曰智周乎萬物而道濟天下 禮記曰舜其大智

與 論語曰智者樂水 又曰智者動 又曰智者

樂 又曰甯武子邦有道則知 又曰知者不惑

又曰何如其智 言不智也 家語曰孔子曰好學則智

爾雅曰距齊州以南戴日為丹穴丹穴之人智 周

書曰智與衆同者非人師也且成事必在大智 商

君書曰愚者闇於成事而智者見於未萌 莊子曰

巧者勞而智者憂 又曰大智閑閑小智間間 孫

卿子曰言而當智也默而當亦智也 又曰是是非

非謂之智 淮南子曰夫聖人之智固已多矣愚人
之智固已少矣 又曰裨諶出郊而智 又曰文公
種米曾子柳羊猶為智也 唐子曰命相在天才智
由人由人可學致在天無可冀 符子曰堯舜之智
桀紂以為不智堯舜以為智惡知堯舜之非桀紂桀
紂之非堯舜乎 戰國策曰今六國相伐適足以強
秦天下為秦相烹秦曾不出薪何秦之智而山東之
愚耶 史記曰樗里子名疾滑稽多智秦人號曰智
囊 又曰陳平智有餘而難獨任 漢書曰劉德少
少黃老術有智略武帝謂之千里駒 諸葛亮集曰

曹操智計殊絕於人 魏志曰賈詡自以非太祖舊
臣懼見猜嫌闔門自守退無私交婚嫁不結高門天
下之論智計者歸之 魏略曰司馬宣王聞諸葛恪
死張敬仲縣論恪以為必見殺今果然張仲之智為
勝恪也 王隱晉書曰石季論少多意智敏捷有計
略 華陽國志曰任文公聞武擔石折曰噫西方智
者死吾其應之遂卒益部為之謠曰任文公智無雙

智二帖白

挈瓶之智守不假器 炙輠史淳于髡智如炙輠輠者車之盛也
樂變智士無思慮之變則不樂莊子 養恬以恬養智以智養恬恬智相交養 心符

文子神者智之役神清則智

明征孤竹無木隰朋曰蟻壤

可得木乃掘蟻壤果然得水

老馬之智可用放稱象魏武

論之可知矣執牙重耳奔齊

太智大悅執牙重耳奔齊見

蛻智在於轉丸意而鷓鴣注

囊歸賈詳類去詐用人之智

詐而老詐詐愚利仁成人

知人者智棄智利仁者智

衛仲尼曰鮑莊子之智魯不

之難多財損多財則損其智

有涯不役物聖人不以不失

魏帝謂陸侯保其身既明且

號得幸桓範智囊司馬宣王

漢書智者千慮必有一得生

惑亦陽處父不役其身其臧

三不穆生謝病以免楚難鄒

智者所慮之於未形達者所

知姑蘇之有麋鹿輔果識智

奇在虞晉不加戎季梁在隨

楚荀况智賦曰皇天降物以

下

下

下

下

下

弗齊均桀紂以亂湯武以賢臣愚弗識願聞其名曰
外勝敵者邪法禹舜而能弁迹者邪行為動靜待之
而後適者邪血氣之精也志意之榮也百姓從之而
後寧也天下待之而後平也明遠純粹而無疵夫是
謂君子之智

○智謀

先見附

咨事

為謀知權公羊宋人執鄭祭仲不名賢也為知權必死國必亡從其言則可以存易亡古人有權祭仲者反於經然後有善者也行權有道自貶損以行權不害人以行權殺人以自生可權可與適道未可與六人以自存君子不為也

足使

傳隨會其智足使也

孔臧

詩謀之不失

不失

謀不

上兵

伐書

上兵中智能

荀息謂以壁假道於虞曰玩好在耳目臣料虞君中之前患在一國之後中智以上乃能之

及卿士

書謀及

與鬼神

易神謀鬼謀見

機而作

終不俟

知幾其神

易

彼有人焉

長者

適不用也

也

吾謀適

禪謀獲野

傳禪謀

王霸視河

後漢

適不用也

也

奔至滹沱

河使吏具舟楫

還曰河流漸無舟可渡

衆

皆恐復使王霸往視

欲安衆心且使至河乃止

遂

遂令霸護渡

木單二車水乃解也

子房運籌

漢祖

籌帷幄

吾蘇秦度關

張儀在蘇王公無不得

之大事

衆不能決

魏舒多出眾

魏舒字陽元朝之碎

廢大事

衆莫能斷者而舒變通之間

機也

徐為籌

之多

行中權

廢中權

謀及庶人

謀及

謀及

行中權

廢中權

謀及庶人

謀及

謀及

謀及

謀及

智謀

卷三十三

三十三

智謀

智謀

智謀

智謀

必由 謀人之軍師敗則死之 謀人之邦邑危則

亡之 ○先見贈策 策曰子無謂秦無人吾謀適不用

也 索車 史范雎隨王稽入秦懷侯問稽軍中有客乎

而忘索之乃反使索車中 伐羅 楚屈瑕伐羅鬬伯比

行十里乃反使索車中 破蜀 鍾會鄧艾伐蜀劉寔字子真曰破

顧矣果如其言先 破蜀 鍾會鄧艾伐蜀劉寔字子真曰破

也非此莫喪羊 欲殺 楚子良生子越椒子文曰必殺

古氏遂不視之 前知 至誠之道可以前知國家將興必

若教氏之族 前知 有禎祥國家將亡必有妖孽見乎

福將至必先知之 先覺 抑亦先覺 知微 彰不獵 晉假

虞宮之奇曰號虞之表也號亡虞必從之晉不可啓

寇不可玩虞君不聽宮之奇曰虞不獵矣號其亡乎

言偷 穆叔見趙孝伯曰趙孟將死其言偷苟且年未

玩 上詳思鱸魚 晉張翰為齊王所辟因秋風起忽思鱸

東俄而齊王敗人 識條侯 許先知後悔 而後知先識

後艱 求知太早同見彈以思鴉 辦事方遲異在

途而搜索 牛生白犢孔父知其吉祥 位踐朱輪

趙母知其必敗

○聰敏 一記 初學

史記云人所以尚于將鎮錙者貴於立斷也所以尚

駸驥者為其立至也必若歷日曠久絲整猶能挈石

聰敏 一記 初學

駑馬亦能致遠是以聰明敏捷人之美材也劉劭人
 物志曰夫聖賢之所美莫美於聰明聰明之所貴莫
 貴於知人知人誠智則衆材得其序而庶績之業興
 矣是故堯以克明俊德爲稱舜以登用二八爲功湯
 以扶有莘之賢爲名文王以舉渭濱之叟爲治由是
 論之聖人之爲治孰不勞聰明於求人獲安逸於任
 使說苑云昔黃香字文強江夏人博覽傳記羣書無
 不涉獵京師號曰天下無雙江夏黃童後魏書曰後
 魏元順字子和任城王澄之子年九歲師事樂安陳
 豐書夜誦書旬有五日一皆通利豐奇之白王曰豐

十五從師迄于白首耳目所經未見此比江夏黃童
 不得無雙也王笑曰藍田生玉何容不函王瑱之童
 子傳曰近代有樂安任叡者十二就師學不再問一
 年通三經鄉人歌曰將氏翁任氏童言將氏之門老
 而方篤任家之學幼而多慧魏志曰王粲善屬文舉
 筆便成無所改定人常以爲宿構

事對 知十 應五

論語曰孔子謂子貢曰汝與回也孰愈對曰賜也何
 敢望回回也聞一以知十史記曰淳于髡見鄒忌
 說畢趨出而面其僕曰是人吾語之微言五
 其應我若響之隨聲是人必封不久矣

應 陳壽益部耆舊傳曰趙閔字溫柔幼時讀尚書默
 識其音句又孔融薦禰衡表云安世默識

應 五 荅果 題酪 劉劭幼童傳曰楊子者梁國人也
 九歲甚聰慧孔君平詣其父父不

在乃呼兒出為設果果有楊梅指以示兒此君家果

兒即答曰未聞孔雀是夫子家禽劉義慶世說曰

人餉魏武脩嘗詎題器上為合字以示眾眾莫之解

次之揚脩脩便擊之公問之人皆遙過卿獨何餐脩

曰公教人一誦千言賦一物劉劭幼童傳曰夏侯

口復何疑也誦千言賦一物劉劭幼童傳曰夏侯

也幼聰慧七歲能屬文誦書日千言經曰軒識之

張衡文士傳曰吳郡張純少有令名嘗謁鎮南將軍

朱據據令賦一物然後坐五行並下一字不遺承

純應聲便成文不加點五行並下魏收後魏書曰祖

瑩字元珍范陽人十二為中書學生博士張天龍講

尚書選為都講生徒悉集瑩夜讀書勞倦不覺天曉

誤持同房生趙劭李季怡曲禮卷上座置禮於前誦

尚書三篇校亡書比缺字漢書張安世字子孺少

不遺一字校亡書比缺字漢書張安世字子孺少

給事尚書上幸河東嘗亡書三篋詔問莫能知唯安

世識之且作其事後購求得以相校一字無遺失上

音其才權為尚書令謝承後漢書曰爾衡與黃祖

子射尤善衡與俱讀蔡邕所作碑文射愛其文恨不

寫取衡謂射曰吾雖一遇猶識其言其缺兩字不
明因書出之射寫還此校皆無所誤唯兩字缺

聰敏二帖

為相甘羅十二觀師秦師伐滑過周王孫滿尚幼觀

於隨戰此不能止歸告蒙母母怒之蒙曰貧賤難可

居富貴有功領兵張昭弟子奮年未二十造打城具步

汪蹄死難子高治阿奮不屬文班孟堅九閱書後漢

才耳不為少也遂領兵不屬文班孟堅九閱書後漢

字仲任博學不見誦得遂博覽百家之書終童年十

八歲時號終童西征賦孫郎舊兵號孫郎父加敏國

曰終童山東之英妙張放以公說吾言回也非助

加之以敏左傳而開敏生子開敏說吾言回也非助

言無所不敏左傳而開敏生子開敏說吾言回也非助

即解無所不敏左傳而開敏生子開敏說吾言回也非助

人下

如愚

吾與回言終日不違如援自失朱勃字叔陽年十二請馬援兄

侃侃

方飲言辭閑雅接見之自失侃乃酌酒怒字父

魏常

林字伯槐年七歲父何黨造門問曰伯先在曰慢

人

魏司馬朗九歲有人道其父何拜之有客大嘉之曰慢

長安

明詩易春任氏童魏任嘏先世皆早成嚙衣釋

秋號

曰任聖童子也操馬鞍為鼠所嚙庫吏懼死冲乃

史

魏蒼舒操子也操馬鞍為鼠所嚙庫吏懼死冲乃

俄而

庫吏白鞍懷橘遺母術術出橘食之績懷三枚

事乃

不罪也懷橘遺母術術出橘食之績懷三枚

曰欲

以遺張湯劾鼠刑倉舒稱象智掃除天下陳蕃

舉年

十五居室不治人曰孺名稱郡中賈誼年十八

南尹

吳弱不好弄獨不取李當路

公舉

之弱不好弄獨不取李當路

羣兒

競取王戎年七歲獨不取諫父寫書吳祐父恢

曰李

當路而繁必苦李也果然諫父寫書為河南太

守

欲殺青簡寫書祐年追客與書虞翻字仲翔年十

十二

諫云云詳太守追客與書二有客候其兄不

遇翻

追與之書曰僕聞琥珀不恒溫奇骨晉桓溫桓

取腐

芥礮石不受曲針客奇之試使啼子蕩不忘向

曰真

英物也爨以嶠賞遂名之曰溫子蕩不忘

曰蕩

承君命不忘敏黃琬對日後漢黃琬字子琰

多

少對曰日鍾之餘如月之晉明對日晉明帝年五

初

膝上適有人從長安來帝問之曰長安何如日遠

之

膝上適有人從長安來帝問之曰長安何如日遠

明

帝曰即聞人從長安來帝問之曰長安何如日遠

臣

言其對因復問之曰不見長安何小兒辨日孔子見

以

異對曰舉首見日出大如車蓋及中則小是上下遠

有親門者為通膺見曰與僕何親融曰先君孔子淳
與老聃有師資之道僕與公亦累世通家膺大奇
于務觀色淳于髡以承意觀色為務再見深惠王終
王志在音王無言王問之曰前見王王志在逐後見王
曰誠聖人也記貧人姓名後漢賈續既孤仕郡戶曹
都亭設貧人粥訊名字甲太守見故吏流涕桓玄七
問口說六百人名無差謬州府文武辭其叔冲冲撫玄
曰此汝家故吏玄流涕被面傅暢不惜金銀時父友
戲解其金鏤楊修獨曉雞肋簿操平漢中欲因討劉
都不言惜備而不得進欲守之難為功於是出教唯曰雞肋眾
莫曉修曰夫雞肋食之無所得棄可惜也公歸計决
矣稟生知之性有老成之風敏於事而慎於言

訥於言而敏於行

詩 吳郡張純少有清才與同郡張儼朱異俱童少往

見驃騎將軍朱據據聞三人才名欲試之曰今三賢
屈顧老鄙渴甚矣其為吾各賦一物然後乃坐純曰
騖衷以迅驟為主鷹隼以輕疾為妙何必積思皆隨
目立成據大歡悅純賦席曰席為冬設簾為夏施揖
讓而坐君子攸宜儼賦犬曰守則有威出則有獲
韓獪宋鵠書名竹帛異賦弩曰南岳之榦鍾山之
銅應機命中射隼高塘
魏彌衡鸚鵡賦序曰時黃祖太子射賓客大會有
獻鸚鵡者舉酒於衡前曰彌處士今日無用娛賓竊
以此鳥自遠而至明惠聰善羽族之可貴願先生為

人部

卷一百三十三

三

聰敏 博物

之賦使四座咸共榮觀不亦可乎衡因為賦筆不停
綴文不加點

○博物

子產晉侯謂子產王粲晉侍中王粲竹籥嵩山之下
簡一枚上有兩行科斗書張華問東晉哲勞薪帝賜
荀勗食曰勞薪炊也誦碑王仲宣與人共行讀道邊
帝問果用故車脚誦碑背而誦之不失信一字
覆基又觀基局壞祭為覆之基者不信一路漬龍鮓機
饋張華鮮發器曰此龍肉也賓客未信華曰以苦酒
漬之必有異漬酒五色光起機反問鮓主曰積茅
下得白魚質狀殊常識鑽羊子孔武庫雉武庫封閉甚
作鮮美故相獻也蜀中桐石鼓槌之無聲帝問
張華曰此蛇化為之開蜀中桐石鼓槌之無聲帝問
視雉側果有蛇晚也

張華華曰取蜀中桐材刻為魚形四海指掌張華疆
叩之則鳴矣如其言果聲聞數里記四海

之內若三篋無遺漢書上幸河東亡書三篋張肅

慎矢子孔辨防風骨子孔誦奏刺姓名夏侯湛從祖榮淵

刺書鄉里姓名示之一編復使誦之客百餘人人人奏識

部曲妻子吳朱桓字休穆為前將軍疆識與人疆

識記曰博文疆識而

○信

禮經著誠去偽禮本忠信禮之本也行義信以行義義以成

也信不可知義無所立周仁周仁之謂信復言非信

非義全言安得全吾身宣用民未宣其用發志信以

人非卷一百三十三

守禮守信以禮進德易曰忠信所居居業易曰閑邪存其誠

也接事接信以事分財文子曰使信士分財不如定分而

也抱橋尾生抱橋而死泉涌後漢耿恭字伯宗守

也無水恭整衣亭崩神告曰亭欲崩遽走出得免

費禮費也救絞其好信不好學不約信大未字小能敦

子能敦信不繼苟信不繼後勞信而後後諫信而未

則以為為甲冑忠信以保車服失信則車服可保國

之寶信國也人之庇命去之曰信人之所庇得原失

信云無宿諾慎於信也有成言可學禮忠信之

學禮能承命命為信子路之言而信子路之言言誠信

李布之諾不黃金百斤大德莫如信輕諾必寡信

冒雨赴期魏文侯與虞人期獵雨甚文侯曰終日不

食起與故人期食不至自經溝瀆子曰匹夫匹婦

莫知之也不愧屋漏相在爾室尚不愧信如車軌

人而無信不知其可也大車無信及豚魚易不欺之

臣公羊曰區區宋國積善之應傅子曰管寧在遼東

暴風船沒推寧船自若時夜晦腹望見火光趣之得

也一為不可信猶不可也百詐以成淮南子云蘇秦

名以出信名位不遜則言以出信信近義可復近

信

信

信

人部 卷一百三十三 三

於義言也 要盟無質 禮負蒲人無信不立 論語不得已

可復也 去食自古不信棄名 澶淵之會 諸侯不書不

者何死民無信不立 不信棄名 信也 夫諸侯之上卿

會而不信 人之所助也 信之所勸也 郭細侯竹

寵名皆棄 郭細侯字細侯 行縣有童兒騎竹馬 迎日聞使

馬之期 郭細侯字細侯 行縣有童兒騎竹馬 迎日聞使

期不入留一 范巨卿雞黍之會 范巨卿張元伯千里

日以示信也 范巨卿雞黍之會 為雞黍之會及期果

至登堂 守約 推誠 言要 爭端 是日行先

不為人下 節以誠著 名以信聞 子本棄信不

及三年 巨卿赴期無差千里 闕而不立 寧去食

兵 失則何行 譬無輓輓 稱以行權 爾雖有說

謂之守信 吾則不知

○節操 帖

達節 子臧曰 聖達節 守節 次守節 謂善人守其

不砥礪 廉隅雖分 國如錙銖 節制度 易天地節而四

不傷財 不累形 莊子曰 能尊生者不以養 不食遺 仲

叔世稱節士 鄉黨見其含菽 通介有常 魏盧欽著書

飲水或遺之 受而不食也 通介有常 稱徐邈曰 志

高行或問曰 武帝時人以為通自涼州還京師 以為

所易也 答曰 武帝時人以為通自涼州還京師 以為

介何也 答曰 武帝時人以為通自涼州還京師 以為

服而徐公不改 故人以通為通 比來奢僭 轉相放效 徐

公雅尚 自若故前日之通 乃今日之介 是去就知分

世人無常 而徐公有常也 徐邈字景山 去就知分

楊惲書曰 西河魏文侯之居 有段干木田 于不可貞

也 易介於石 苦敢失守乎 子臧曰 不失節 雖不能聖

卷一百三十三 三 節操

願附子臧 匪石不轉 我心匪石 不可轉也 有他不燕

虞吉有他 則不安 言介節也 則不累主人 行無瑕玷 窶

貧每慙 止薪水 豈累安邑 閔仲叔客居安邑 老病家

自給不累 主安邑 令聞勅使 常給仲叔 知而歎 色不

片屠或不 肯安邑 腹累安邑 哉遂去 客沛壽終 不

曰閔仲叔 豈以口腹 累安邑 哉遂去 客沛壽終 不

可屈而往 請受下 夫之役 飾車迎 之逡巡 形益恭 而

有不可屈 而遺之色 勅不累高 服其遠 暢而恬 於榮辱 自

乃厚禮而 遺之 勅不累高 服其遠 暢而恬 於榮辱 自

處若穢而 不受報金 斤謝之 義不受 人同義 不在默

動不累高 義尊屋 得之其人 不執珠玉 貨財手不執

已死無所 還乃以金 送縣 不執珠玉 貨財手不執

鍾行酒與 洪洪不執 不食兄祿 不誠廉 士哉孟子 曰

於齊仲子 為巨擘 亦焉能 廉以兄之 祿為不義 之祿

而不食 以兄之 室為不 義之室 而不居 避兄離 母居

於於陵 身織屨 妻辟纊 以易衣食 以不過 兄飯 帝問

母則不食 以妻則 食豈能 充其義 也 不過 兄飯 帝問

倫曰臣少 遭饑亂 實不妄 過人飯 不失 漢節 武所

之風節 後魏游 雅豐才 博學 遺船償 緡 崔陽 字道淵

與陽通家 遺陽一 船物吏 曰崔公 廉讓 致書 訖委 船

而還陽 既無反 政乃以 貨之買 緡物 寄還 實實 本以

為惠而 反煩焉 飯姊留 錢 范丹 候姊 病姊飯 之 隆刀 便

之益歎 愧焉 飯姊留 錢 范丹 候姊 病姊飯 之 隆刀 便

與郭翻 墜刀於 水人炊 黍不留 事 變姓 省謁 父賀

為彭城 相閔往 省謁 變姓 名吏 不敢 通去 步擔 告歸

賀遣車 送之閔 稱眩疾 不肯 乘車 詳觀 省 步擔 告歸

趙孝字 長平王 莽時 父為 田禾 將軍 以助 刈棄 麥 魏

父任為 郎告歸 嘗白衣 步擔 云云 詳驪 助刈 棄麥 魏

刈麥人 助之褒 棄之 生口取 木 任暇 嘗與人 共買

生口家 來贖直 六十四 共買 布衣之 戀 後漢 孔僖 魯

者欲隨 時價取 蝦自取 本 布衣之 戀 後漢 孔僖 魯

三十一 節操

人言 卷百三十三 三

篆曰吾有布衣之戀子有袞 雞鳴之詩 風雨妻妻雞

守時喻君子 屠羊說辭賞 屠羊說隨楚昭王出奔王

不致其度 申包胥逃賞 楚昭王反國賞申包胥

反屠羊何 申包胥逃賞 楚昭王反國賞申包胥

賞之有 申包胥逃賞 楚昭王反國賞申包胥

求遂 非身耕不食 後漢周燮有先人草廬結於岡畔

逃賞 非身耕不食 後漢周燮有先人草廬結於岡畔

耕也 非手力不取 非手力不取於人 魚不取貴價

食也 非手力不取 非手力不取於人 魚不取貴價

價 故家貧賣魚會官發魚 鹿不取分錢 晉郭文孟獸

當自賣之 所以語人人取賣分錢與文文曰我若須錢如

水清 如玉潔 如霜明 如雪淨

嗜欲不誤 鑑明則塵垢不汚 涅白不緇 涅而不緇

不食汚君 閔損字子騫不仕 不使非民 孟子曰伯夷

非其民不使羞與鄉人處如 無所交接 李膺高允無

荀叔陳寔 率然玄遠 稽康字叔夜高情 口不言貨 崔

口不言 口不言錢 王夷甫口 屈原清 楚辭衆人皆史

雲清 後漢范丹字史雲清節聞閭里中得盜芻藁值

乎丹自 歎云云 口不言錢 王夷甫口 屈原清 楚辭衆人皆史

攝威儀 詩攝以 整風教 和嶠少有風格慕夏侯淵之

許其能 無情容 習王劭有風操家人近 不過則 言不

動不入 廐修容 曾子與子貢入 避雨危坐 茅容避雨

過則 入廐修容 曾子與子貢入 避雨危坐 茅容避雨

危坐詳恭敬馬援事嫂不入冠張湛遇妻如嚴名教之樂晉王
澄字平子任放樂廣曰名居室之應居室言善澡身教中自有樂地何必乃爾
浴德君子澡身修身踐言家齊身心正而後身修身省曾子三靜以保身悟身之是患省吾身默而思道知道之無為

唐類函卷一百三十三

唐類函卷一百三十四

明東吳俞安期彙纂

明武林胡胤嘉校訂

人部十四

公平

無勇附

謹

壯

慎

勤勞

儉

戒懼

剛

驕佚

貪富附

貪

貧

貧

貧

貧

貧

貧

貧

貧

貧

貧

貧

貧

○公平

藝文類聚

尚書曰無偏無黨王道蕩蕩無黨無偏王道平平
禮記曰昔衛獻公出奔及國及郊將頒邑於從者而
後入柳莊曰如皆守社稷則孰孰執羈勒而從如皆從
則孰守社稷君反國而有私也無乃不可乎於是弗

果頌 又曰天無私覆地無私載日月無私照奉三
無私以勞天下 左傳曰賈季奔狄宣子使史駢送
其孥夷之蒐賈季戮史駢史駢之人欲盡殺賈氏以
報焉史駢曰不可吾聞前志有之曰敵惠敵怨不在
後嗣忠之道也夫子禮於賈季我以其寵報私怨無
乃不可乎 家語曰澹臺滅明爲人公正無私 韓
詩外傳曰楚白公之難有社之善者辭其母將死君
難其母曰棄母死君可乎社之善曰內其祿而外其
身今之所養母者君之祿也請往死之比至朝三廢
車中其僕曰子懼何不反也社之善曰懼吾私也死

君吾公也吾聞君子不以私害公遂死之 呂氏春
秋曰荆人有遺弓者弗肯索曰荆人遺之荆人得之
又何求焉孔子聞之曰去其荆而可矣老聃聞之曰
去其人而可矣故老聃則至公得矣 又曰昔先聖
王之治天下必先公公則天下平矣有得天下者衆
矣其得之必以公其失之必以偏 韓子曰解狐薦
其讐以爲相其讐往拜謝解狐引弓迎而射之 又
曰解狐與荆伯柳爲怨趙簡王問於解狐曰孰可以
爲上黨守對曰非伯柳可趙簡王曰非子之讐乎對
曰臣聞忠臣舉賢不避仇讐 列子曰天下所以平

者政平也政所以平者人平也人所以平者心平也
慎子曰夫投鉤分財投策分馬非以鉤策為均使
得美者不知所以德得惡者不知所以怨此所以塞
怨望也故著龜所以立公言也權衡所以立公正也
書契所以立公信也法制禮籍所以立公義也凡立
公所以棄私也 史記曰邑中人民俱出獵任安常
分麋兔 兎人皆喜曰任少卿分別平 又曰陳平
為社稷 肉甚均里父老皆曰善陳孺子之為宰詳
漢書曰蕭何不與曹參相並及何病患帝自臨視
因問曰君即百歲後誰可代石對曰知臣莫如王帝

曰曹參何如何頓首曰帝得之矣臣死不恨矣 又

曰義縱少時與張次翁俱攻剽為群盜縱姊以醫幸

王太后太后問子有兄弟欲為官者乎姊曰有弟無

行不可詳薦 又曰朱邑惇篤於故舊然性公正不

可交以私天子器之 東觀漢記曰耿嵩履清高之

節齟齬介然特立不隨於俗鄉黨士大夫莫不敬異

之王莽敗賊盜起宗族在兵中穀食貴人民相食宗

家數百人升合分糧時嵩年十二三宗人少長咸共

推之主廩給莫不稱平 魏武令曰今壽春漢中長

安先欲使一兒各往督領之欲擇慈孝不違吾令兒

亦未知用誰也雖兒小時見愛而長大能善必用之吾非有二言也不但不私臣吏兒子亦不欲有所私

燕書曰梁琛使秦琛從兄奕先在秦為尚書郎會罷秦王欲令琛止奕舍琛語有司曰昔諸葛亮兄弟各處三國及其聘集公朝相見退無私面君子之志余敢忘乎竟不止奕數就邸舍因問東國起君琛曰今二方鼎據兄弟並蒙附寵論心各有所在今欲以東國事語君恐非西國之所欲聞何以見問

論魏曹羲至公論曰夫世人所謂掩惡揚善者君子之大義保明同好者朋友之至交斯言之作蓋閭閻

之日談所以救愛憎之相謗崇居厚之大分耳非篤正之至理折中之公議也世士不斷其數而係其言故善惡不分以覆過為弘朋友忽義以雷同為美善惡不分亂實由之朋友雷同敗必從焉談論以當實為清不以過難為貴相知者以等分為交不以雷同為固是以達者存其義不察於文識其心不求於言且在私論猶行之有節明處公議則無所固之矣凡智者之處世咸欲興化致治者也興化致治不崇公抑私情以順理厲清議以督俗明是非以宣教者吾未見其功也清議非滅否不顯是非非賞罰不明故

臧否不可以遠實賞罰不可以失中若乃背清議違是非雖堯不能一日以治審臧否詳賞罰故中王可以萬世安是以君子知私情之難統至公之易行故季友鳩兄而不疑叔向戮弟而不悔斯二士者皆前世之通士晉魯之忠臣也亦豈無慈愛骨肉之心愍恤同生之仁哉夫至公者天之經也地之義也理之要也人之用也昔絲者親禹之父也舜則殛絲而興禹禹知舜之殛其父無私故受命而不辭舜明禹知己之至公故用之而無疑無私者雖父黜而子不言况用之於他哉 晉嵇康釋私論曰不知冒陰之可

以無影而患影之不匿不知無情之可以無患而恨情之不巧豈不哀哉未有抱偽懷姦而身立清世匿非藏情而信著明君者也是以君子既有其質又觀其鑒貴夫亮達希而存之惡夫務去棄而遠之言無苟諱而行無苟德不以愛之而苟善不以惡之而苟非心無所矜而情無所繫體清神正而是非允當忠感明於天子而信篤乎萬民寄留懷於八荒垂坦蕩以永日斯非賢人君子高行之美異者乎

○直

惟清

直哉惟清

若曲

老子大直若曲

如矢

直哉史魚邦有道如矢

如弦

直如弦直為正曲詩三百一無邪蔽之曰思無邪攀檻朱雲直諫

雲攀折檻成帝命臣據地董宣殺公主奴上令謝主

勿易折檻伯宗直言其妻成之日免仇史武威太守貪

令及難蘇正和案致其罪梁州刺史梁鵠畏貴戚欲

猾從事蘇正和案致其罪梁州刺史梁鵠畏貴戚欲

誅正和訪於勳勳素與正和有仇及問對曰緘食鷹

奮欲有驚鷲而殺之何哉鵠乃止和聞言詰鄧暉面

勳勳不見曰吾為梁使君不為蘇正和也舉錯能直錯諸枉惡

言任座翟璜曰君仁則臣直任舉錯能直錯諸枉惡

醜惡直醜正言惡訐者註訐發人之陰私乞鄰孰謂

微生高直或乞醢焉邦之司直詩彼已之直古之遺

直仲尼曰叔向古之遺直治國制刑不隱於親三數

刑以殺弟故仲尼以為於有覺德行覺然正可謂方

義則未安而直則有也

直晁錯曰奉法令不容私盡心力不敢矜遭患難不

避死見賢不居其上受祿不過其量不以無功居

尊顯之位可謂性不可踰虞詡字升卿刺舉無所迴

之性終志不可奪身有危而焉往不黜柳下惠為上

不可踰志不可奪焉往不黜柳下惠為上

子未可以去乎曰直道為世所嫌蜀孟光曰吾好直

而事人焉往而不三黜為世所嫌蜀孟光曰吾好直

嫌所及黯正直黯對武帝曰陛下內多欲而外施仁

甚矣及黯之憲王陵任氣好直朱雲請劍臣斷佞張綱

也注憲直兒王陵任氣好直朱雲請劍臣斷佞張綱

埋輪請誅不交用事魏劉放孫資用事辛毗獨不交

未孫劉不平不過不不事權貴漢嚴彭祖為太傅廉

作三公何害者也不事權貴漢嚴彭祖為太傅廉

時不如人事君不修小禮曲意無左右之助願死不

強之彭祖曰通經術修先王道何可委曲也死不

更守見利不虧其義勁未必全楊惲曰勁直者未無

禮則絞直而無不學也絞好直不好學庸為直乎非言

也直可謂直矣詳證父攘羊葉公曰吾黨有直躬者其

吾黨之直者異於是父為子諫友鳴欄劉遜字伯言

前作閩鴨欄遜正色曰君古之愚也直今之愚民之

生也直周之生也幸而免言人勵物軌俗身由

正立名以直聞獬廌觸邪本無好惡屈軼指

佞豈憚悔尤任瘞之言文侯尚喜朱雲之節成

帝猶旌端表雖袞必正其景精鋼可折不屈其

鋒稱以為權爾雖有說謂之曰直吾則不知

○謹帖

全身張安世以媚上鄧通以謹信謹而信况愛謹厚

承相車千謹行易庸行之謹事慎於言而細謹漢書

其舉大事曲謹小廉先王克謹尚書丞相老謹石慶

相上以老謹有愧先臣無累後人履霜堅冰言

謹也

○慎帖

焚草羊祜典樞要嘉謀壞木任放為黃門侍郎每惟

厲怵惕則意無禮則意避禍慎思終君子之道思

也乾乾易君子終業業兢兢業業慎微董仲舒云盡

者慎獨禮莫見乎隱莫顯乎微慎言慎位位

謹慎

可不慎乎一失其位不慎密易君子慎密而不出也

得列於諸侯况其下乎慎密君不密則失臣臣不密則失身幾事慎微慎始敬慎終始如言無易子

無易言語何私魏許褚字仲康為武衛中郎曹仁

召入使坐語褚辭天子將出還入殿人問之褚曰彼雖貴外藩也入室語何私乎相聞善之石慶

數馬石慶舉手曰六僕卿出上問車中幾馬慶以策數馬

趙禹絕賓史趙禹為人廉倨為吏已來舍無食客公

客之請孤立不言朝事孔光守法度修故事上有所

行一意而已輒毀疏草樊宏所

或問溫室樹何木光對以他事輒毀疏草樊宏所

及言得失輒手自書寫毀削小吏為密楊阜字義山

草本公朝訪逮不敢對眾小吏為密為將作大匠

欲上疏省宮人不見幸者問御府吏後宮人數吏守

舊令曰禁密不得宣露阜怒杖吏一百數之曰國家

不與九卿密乃與小吏大臣莫知張安世職樞機以

為密乎帝聞敬憚之大臣莫知謹慎周密自著每

定決大政已輒病莫敢出聞有詔令乃驚使怨豈在

吏之丞相府問焉朝廷大臣莫知其預議怨豈在

明不見圖治不忘亂君子安不忘危存樞機可慎君子行

之樞機可子弟莫知魏荀攸謀密自從太祖征伐有

不慎乎子弟莫知智防謀惟輕時人子弟莫知所

言思患預防易君子以思敬慎不敗易繫於苞桑

亡其亡繫涉於春水陳寵周密後漢陳寵為尚書

于苞桑李緒清勤晉李緒至秦州刺史司馬

苦不畏慎在樞李緒清勤景王曰為官長清慎勤上

密拒絕親友李緒清勤景王曰為官長清慎勤上

曰不得已何去曰慎為大不覩不聞戒慎乎其所不

聞莫見莫顯慎獨入虛如有人執虛如有人執輕

如不克禮不自滿假克自抑畏不矜細行

終累大德 死生在天 善敗由已 犇車之上無
仲尼 覆車之下無伯夷淮南子 行不三思還同捨魯
之役 智垂百慮頗涉謂秦之譏

○勤勞帖白

定國以勞定國 廣業惟勤 不置人生在勤 有繼能勤

服勞自事弟子 盡瘁盡瘁 不伐易勞而不 不怨勞而不 靡

監王事 匪懈夙夜匪懈 自斬芻第五倫 希安居召信臣

太守躬耕農出入阡陌 豐豐易成天下之 文王猶勤况寡掾

矻矻終日 勤執勤君 勤施私曰類 文王猶勤况寡掾

吏勿休薛宣為馮翊日至休吏賊曹掾長快獨不肯

哀我瘁人瘁勞也 勤勞王家周公 克勤於邦 不懈於

位雖休勿休 晝講夜會晝而講貫 夙興夜寐 朝夕

臨政處不避汚 夙夜在公 非德非勤于重曰非德

何以無怠無荒

○儉帖白

蟋蟀刺晉僖公也 儉不中 葛屨刺褊也 魏地陘隘其

以將 二簋質薄之器 三杯朱博儉食不重味 慎德慎

乃儉 役仁恭儉以 恥盈曾子曰國無道君子恥盈禮

以禮 知足為富 難遵漢書曰堯舜堂高三尺土階

冬日鹿裘其送死桐棺三寸此儉而難遵也 有度儉

而有**降身**從儉降身**率人**毛玠字孝先居顯位常布

下莫不以廉節自勵雖貴寵**貶食**省節用節用尚**對**

省嗇昭節儉尚**昭儉**昭其也**寧儉**禮與其奢**寧固**奢則

不孫也寧固**恥織靡**服而**躬菲薄**躬自菲薄**卑宮室**

論語甲宮室而蓋力乎**罷露臺**漢文帝欲作露臺計

溝洫禹吾無間然矣**妻執爨**第五倫字伯魚為會稽**妻曳柴**

以臺為**飯脫粟**晏子相齊**卧布被**公孫弘曰人臣病

汲黯曰飾非**無長物**王忱見王恭六尺簞謂有餘求

之恭曰我**無供辦**謝安欲請陸納納辭無供辦兄子

生無長物**無供辦**謝安欲請陸納納辭無供辦兄子

果而已微備珍羞客散納怒曰不**戒厚生**戒厚生之厚**命薄**

能光益叔父乃穢我素業杖四十**室不崇壇廬**食不貳味廬

祭鄭子張有疾命**不居華**大丈夫居其**以為隘**晏平

先人豚肩不掩豆漸衣濯**室不崇壇廬**食不貳味廬

冠以朝君子以為隘矣**室不崇壇廬**食不貳味廬

食不二味**宮室卑庳**晉文公為盟主宮室卑**器用不**

居不重席**晉饑**晉侯命祈以幣更賓以特牲器用不作**車**

作**無私積**季文子卒宰庀家器為葬備家無衣帛之妾

君而無**食無餘殺**殷仲堪為荆州遭水旱年饑仲堪

私積**食足充虛**文子曰聖人食足以充虛接氣衣足以

也**燕用茶果**桓温性儉每燕**布被蔬食**宣秉字巨公

而**燕用茶果**桓温性儉每燕**布被蔬食**宣秉字巨公

布被蔬食瓦器帝幸其府舍歎曰**布衣蔬食**許率

楚國二龔不如雲陽宣巨公也**布衣蔬食**許率

之而益物或損**失之者鮮**以約失之**克儉克勤**書曰

之而益物或損**失之者鮮**以約失之**克儉克勤**書曰

於邦克不淫不辱儒有居處不淫飲務嗇勸分齊魯

納約自牖易一裘三十年晏雙魚噉二歲後漢趙咨

遺以雙魚噉二歲妻于不入官舍後漢王良字仲子

不盡以儉化俗馬餼不過稂莠子服矯俗律人素業清

風能節禮樂不忘恭敬尚素黜華去奢從

儉去奢作戒示儉垂文節乃用足儉為德

恭宜嘉清德難奪素風德因儉立名以清

聞以道制欲見得思義既異建中則難為

下聖人不積君子戒盈無欺暗室不懼神

明務利而避害慎始而思終服澣濯之衣

食蔬糲之食雖激俗是稱一而相時斯昧既非

示儉之日自招失禮之尤奢雖諷於蜉蝣儉

亦刺於蟋蟀革奢俗以從儉約澆風以及淳

是從以約之文未虧寧儉之義奢侈敗風唯時

所惡清儉激俗雖矯何傷語以執中未為得也

比其僭上不猶愈乎當示禮之代自合執中

守臨人之司豈宜偪下雖則從儉去奢有以小為

貴者而乃失中難下無乃此是過與

○剛帖

天德傳陽處父遇甯甯嬴從之及温而還其妻問之

不沒乎懼懼其難是以地道易立地之道受性後漢

去之後晉殺陽處父曰欲子為吏宜改常性獲懷腸古詩疾

與世祖有舊曰欲子為吏宜改常性獲懷腸古詩疾

曰臣受性父母不可改也遂辭去之或對曰吾未見剛者

腸不吐惟仲山甫剛亦不吐未見或對曰吾未見剛者

振也慾不虐而近仁木訥近仁子路行行如也

馬得剛不虐而近仁木訥近仁子路行行如也

季布能摧剛血氣沈潛明柔克不好學學其蔽也

絞絞急不得死剛彊不王嘉剛毅敬之傅咸剛勁

切也剛勁諒直不積柔必剛鬻子曰欲剛必以柔守之彊

能容人之短積柔必剛鬻子曰欲剛必以柔守之彊

於弱太剛則折必彊太剛則折

○勇白無勇附

為爵傳齊莊公朝指州綽郭最曰是寡人之雄也州

先二子鳴莊公為勇爵置官楚飲飛以寶劍渡河有

聞其勇乃置刺虎未至地詔令出之禹從落中以劍

斫絕累欲刺虎截蛟晉鄧遐澠水有蛟為人害遐拔

出材官力者力臣樂氏之力踏刃踏白刃可斷布懸布

董父登之及蝶而絕之蘇而復上者三引鼎引重鼎

力折軾叔山冉搏人以絕骨秦武王與孟說舉龍文

孟說張膽陳涉賈餘齊高子曰欲勇期死期必也不

云云張膽陳涉賈餘齊高子曰欲勇期死期必也不

必死弁射弁而射角力為武戲蹴張申屠嘉以材

也蹴張先鳴子州綽曰平陰之役先二若怯若怯箭禍子

曰小人之性費於勇齒於禍以足知方且知方也患

其性而求其名焉非國家之利也

卷一百三十四

暴 景詔不患無 **引疆** 周勃材官引 **不伎** 莊子大勇不

以賢 智勇 **達德** 天下之達德 **率義** 之謂 **共用** 狼臍曰

勇死也 **時使** 晉侯使荀賓為右司士使 **害上** 左傳狼

則害上不 **疾貧** 好勇疾 **中禮** 禮謂之逆 **好學** 好學其

登於明堂 **不懼** 不懼 **不亂** 不亂 **輦重** 秦董 **角抵** 角力 **驍勇**

李廣驍勇 **沈勇** 沈勇 **佗佗** 佗佗 **募** 敢死 **聖王貴** 禮所

行行如也 **訓** 勇力之士 **使** 使 **行行** 行行

行行勇貌 **訓** 勇力之士 **使** 使 **行行** 行行

勇敢者貴 **其能** 其能 **行禮** 行禮 **義也** 義也 **故勇** 故勇

於禮義則 **順理** 順理 **外無** 外無 **敵內** 敵內 **順理** 順理

於爭鬪則 **謂亂** 謂亂 **人刑** 人刑 **罰行** 罰行 **君子尚** 君子尚

無義為盜 **舉千鈞** 鳥獲舉千鈞 **拔一箭** 桓石虎矯

冠三軍 李廣李陵義勇冠三軍 **刺兩虎** 子曰

人矣謂 **皆迸血** 張進血 **髮衝冠** 髮上衝冠 **抉豫樟** 期

曰吾以力 **事君** 事君 **不可** 不可 **不然** 不然 **抉** 抉

試弁為 **去怒用** 去其怒 **臨辜** 臨辜 **斷** 斷 **志不奪**

匹夫不可 **心不動** 孟子曰 **臨辜** 臨辜 **斷** 斷 **志不奪**

禮而無 **惡不遜** 為勇者 **好過我** 子曰

過賢於丘 **桀石投人** 石以投人 **拔劍斬龍**

我欲勇者 **塞旗執馘** 子路曰 **塞旗** 塞旗 **執馘** 執馘

賢節勇 **塞旗執馘** 子路曰 **塞旗** 塞旗 **執馘** 執馘

賢節勇 **塞旗執馘** 子路曰 **塞旗** 塞旗 **執馘** 執馘

澹臺滅明字子羽齊袒裼暴虎詩持璧睨柱相如之

啗彘飲卮樊噲之視死如歸父之勇也有力如虎詩多材而好叔

非勇不登於明堂死陵弱非勇非勇也求名非利非勇也

非勇不登於明堂死陵弱非勇非勇也求名非利非勇也

詳相如進缶以擗秦滎池毛遂捧盤而盟楚遂按劍

銅盤跪令楚王歃血為盟力稱烏獲捷言慶忌相如距躍三百曲

踊三百魏準束胸銳敏精勇忘身忘家如虎

如貌銳氣凌雲精誠貫日百夫之防萬人

之敵伉伉勇氣泚泚武威攫捩執猛納堅

摧剛內亂不興外患不避節因危見名以

勇聞致身事上見危授命州綽乃欒氏之勇

郭最為齊侯之雄毛遂之氣終出三千宜僚

之才可當五百無勇失軾崔杼作亂陳不占將往食

戰聲於門外投車鄭師懼而自投車下子良援而乘

驚怖而死趙羅縻傳鐵之役趙羅縻之吏詰季長

人也魏九州春秋劉表攻西州長杜子緒守拒時

習柏季長在城中劉表攻西州長杜子緒守拒時

稍出而明日側立而聽勇可習者也懼事臨事

五日負楯觀關謂子緒曰勇可習者也懼事臨事

畏威怯末言其無勇而上無拳無勇也非孝

戰陣無勇不敢勇於老子素厲無勇客氣非真非夫

非孝也卷之三口十一勇

不武 懦 宮之奇為 淺 傳淺為 奪氣 褫魄

威惕 氣衰 是無勇也 何以堪之 有命出征

不思後勁 無剛常寇終愧先奔

○壯白

挾輈 公孫閱與頴考叔爭 索鐵 力巨舒鈎索 搏熊 廣

厲王胥手 曳牛 魏許褚字仲康禦寇糧之以牛與賊

博熊羆 逆曳牛尾行百餘步 拔山 項羽歌曰力拔山兮氣蓋世 射石 李廣

石如虎射 扛鼎 項羽力能扛鼎才氣 負舟 莊子藏舟

之沒羽 為固夜半有力者負也 拔距 甘延壽投石拔 拔木 楚辭

之以趨昧者不知也 戒鬪 及其壯也血氣 角力 壯士

多力曰拔蓋九千 戒鬪 方剛戒之在鬪 角力 角力

校量其 羸股肱 言出其臂脛 秀筋骨 管子曰御有拳

力也 有而不告謂之蔽才 有罪也 挽六鈞 顏高之弓六 徹

七札 養由基蹲甲 建大車 狄虎彌建大車輪而蒙之

載以成一隊孟獻 挾懸門 叔梁紇挾懸門 萬夫之敵

子曰有力如虎 壯也 百夫之特 孔武有力 勝人者力 犖投蓋

於稷門 傅學有力焉能 募行舟於陸地 論語募 拔山

而終見自亡 盪舟而不得其死

○貴一初學

說文云貴者歸也謂物所歸仰也汝頴言貴聲如歸

往之歸抱朴子曰貴遊子弟生乎婦人之手憂懼未

嘗經心或未免襁褓而加青紫之秩纔勝衣冠而居
寵榮之位專生殺之威操黜陟之柄誠可畏矣戰國
策曰田需貴於魏王惠子曰勉哉夫楊橫樹之則生
折而樹之亦生然十人樹之一人拔之則無傷矣且
以十人之眾樹易生之物然而不勝一人者何也樹
之難而去之易今雖自樹於王而欲拔之者眾子必
危矣史記李斯歎曰吾聞荀卿有云物禁太盛吾昔
上蔡布衣今人臣之位無居其上者可謂富貴極矣
物極則衰吾未知所稅駕也荀伯子荀氏家傳曰惟
我之先至于有晉人物盈朝袞衣曄曄六代九公不

亦偉乎磊落壤奇光照六合中興丞相王公歎曰最
已後榮寵莫二為天下貴門矣 **七葉** **五侯**

詠史詩曰金張藉舊業七葉珥漢貂 漢書曰成帝
封舅譚為平阿侯商為成都侯立為江陽侯根為曲
陽侯逢為高平侯五人同日 金張 耿鄧 漢書曰功
封世謂之五侯榮貴絕代 又曰金日磾勒功
有金氏張氏親近貴寵比於外戚又曰金日磾勒功
上將傳國後嗣七葉內侍何其盛也 東觀漢記曰
耿氏自中興已後迄建安之末大將軍二人九卿十
三人遂與漢盛衰又曰鄧氏自中興後累葉貴寵莫
與為王主 五公 東觀漢記耿氏尚公主三人列侯
比二千石數百人 司馬彪漢書曰許史 梁竇 漢書
袁安桓帝時遷太尉四葉五公 許史 梁竇 漢書
嘉為大司馬車騎將軍又曰史丹男九人皆以丹仕
為侍中自宣元成哀外戚興者許史三王丁傅之家
皆重侯累將窮富極貴 謝承後漢書曰梁氏在位
二十餘年窮極滿盛威行內外百僚側目莫敢違命

東觀漢記曰章帝崩竇太后臨政竇憲為大將軍

食邑二萬戶弟景執金吾瓌將作大匠光祿勳

三組 佩六印 漢書楊僕宜陽人也稍遷至主爵都

侯因歸家懷銀黃垂三組以誇鄉里組綬也 史記

曰蕭秦洛陽人也師於鬼谷先生後得周書陰符讀

之以出揣摩因說六國以秦為從約長并相六國各

佩其印行過洛陽車騎輜重諸侯各發使送之甚眾

擬於王者周王聞之恐懼除道使 **一門三后** **六葉**

人郊勞於是散千金以賜宗族 一門三后六貴人二大將軍夫人女

九公 謝承後漢書曰梁不疑子為潁陰侯胤子為城

侯邑稱君七人尚公主三人其餘 **朱輪** **華轂** 漢書

卿將尹校五十七人 下詳前敘 **朱輪** **華轂** 漢書

曰吾家方全盛之時乘朱輪華轂者二十三人青紫貂

蟬充盈 **觀閣彌亘** **殿第相望** 張璠漢記曰馬防兄

惺內 **觀閣彌亘** 東觀漢記曰竇融嗣子穆尚內黃公主而

融弟友嗣子固尚沮陽公主穆長子勳尚東海恭王

女竇氏一公兩侯三公主四二千石自相至孫官

府殿第相望奴婢千數雖親戚功臣莫與為比

貴二 白 戒懼 驕佚 貪貴 附

常尊 貴有 **莫大** 崇高莫大 **百乘** 百乘之家 **萬石** 石建

號萬 **紆青** 紫拖 **衣錦** 漢書富貴不歸故 **珥貂** 七 **綰玉** 綰

石君 **紆青** 紫拖 **衣錦** 漢書富貴不歸故 **珥貂** 七 **綰玉** 綰

九遷 一歲 **三入** 三入承 **席寵** 書 **議貴** 周禮 **人是以尊**

傳曰人是以能尊其 **人之所欲** 子曰富與貴是人之

不處 **榮曜** **繁華** **飛翠綏** **拖鳴玉** **代綰青縵**

門傳朱紱 **漢庭七貴** **周禮九命** **冠蓋如雲**

青紫充帷 **西園待士筵列八珍** **東閣迎賓傳**

浮九醞 **念榮身以庇族無欲實難** **思潔已而立**

身非道不處戒懼不慊

禮曰聖人之制富貴也使富

不滿貌音

知止

史蔡澤曰吳君白起越大夫種功成

口歛切

不驕

君子泰而不驕必毀

為陶朱公孰見與禍至忍不能離疑不能決

不處

云云應侯曰吾聞欲而不知止則失其所欲

其道得之

不驕

必毀

不辭也

恥

邦無道富且

賤

恥

邴邴去

石輒自

踈

遂歸

免去

踈

遂歸

戶是足

張良曰家世相韓及韓滅不受萬金之用為

師封萬戶侯於良足矣願棄

不驕

不淫

人間事欲從赤松子遊耳

不驕

不淫

去泰去甚

聖人去泰去甚功成宜退

衰

成功不處

不可久處

李斯詳

成功不處

不可久處

初學記

成功不處

不可久處

有寵辱之驚

老子曰得之寵

無喜

無喜

無喜

愠之色

令尹鄭子張黜官

二三子坐在敬戒不在

齊晏嬰辭邑

見誠

富也君子曰善戒之

齊晏嬰辭邑

見誠

神亦害盈

知止知足

寡悔寡尤

貴而能貧

貴而能貧

懼以知降

驕佚其亡

傳成也驕其亡

斯亂

斯亂

樂

恃寵

鮮絲禮

鮮克

自遺咎

充訓

爭名於朝敗度欲敗居功無以寵利居成功逞欲逞無

欲不可滿志不可滿不知退知進而不知退朝廷之位讓而貪冒

之人將實力馬伐檀之刺詩伐檀刺在位貪可欲之罪罪莫

大於可欲曼滿之欲為卿且聞及禍傳鄭公子曼滿與王

後鄭人果殺之駟秦不守其位終見伏誅傳駟秦富

夫也而常陳卿之車服於其庭鄭人惡而躁求苟

殺之子思曰不守其位而能終者鮮矣

得不義而貴無德而貪禮不縱欲人亦害

盈不以義制將由惡終以徼大利必有近

憂詩晉左思詠史詩曰濟濟京城內赫赫王侯居冠蓋

陰四術朱輪竟長衢朝集金張館暮宿許史廬南鄰

擊鐘磬北里吹笙竽古樂府詩曰君家誠易知悠

思復難忘黃金為君門白玉為君堂堂上羅酒樽使

作邯鄲倡中庭生奇樹華燈何煌煌兄弟兩三人中

子為侍郎五日一來歸道上自生光黃金絡馬頭觀

者滿路傍梁吳筠贈周興嗣詩曰吾賢當路者聲

名振華夏朱輪玳瑁牛紫韉連錢馬朝花舞風去夜

月窺牕下想君貴易交居然應見捨隋孔贈蔡君

詩曰疇昔同幽谷伊邈遷喬木赫奕盛青紫討論窮

簡牘李伯藥寄楊公詩曰公子盛西京光華早著

人部 卷三百三十四 十九 貴

名分庭接遊士虛館待時英高閣浮香出長廊寶釧
鳴面花無隔咲歌扇不郵聲 鮑昭擬古詩曰魯客
事楚王懷金襲丹素既荷主人恩又蒙令尹顧日晏
罷朝還與馬塞衢路宗黨生光華賓僕遠傾慕富貴
人所欲道得亦何懼

○富一 初學

夫貴者必富而富者未必貴也故士之欲貴乃為富
也然欲富者非為貴也從是觀之富人之所極願也
故易曰富有之謂大業孔子曰富而可求雖執鞭之
士吾亦為之如不可求從吾所好又曰富與貴是人
之所欲不以其道得之不處也陽虎云為富不仁為
仁不富家語曰以富貴而下人何人不與以富貴而
敬人何人不親史記曰夫用貧求富農不如工工不
如商 嘯文不如倚市門此言末業貧者之貧也春
秋左氏傳曰齊慶氏亡分其邑與晏子晏子受人
問曰富者人所欲也何為不受對曰無功之賞不義
之富禍之媒也我非惡富恐失富也說苑曰楚王問
莊辛君子之富奈何對曰君子之富假貸人不買也
餘食人不使不役也親戚愛之罪人善之不肖者事
之皆欲其壽樂不傷於患此君子之富也王充論衡

曰揚子雲作法言蜀富賈人齎錢十萬願載於書子

雲不聽曰夫富無仁義猶園中之鹿欄中之羊也安

得妄載桓寬論曰人大富則不可以祿使尚書

五福二曰富漢書曰寡婦清先得丹穴而樂比之者命曰素丹穴史記曰富者人之情

也今有無秩祿之俸爵邑之入而樂比之者命曰素

封漢書曰寡婦清先得丹穴而樂比之者命曰素封

筭金徐廣晉紀曰王戎殖財賄家僅數百計量玉筭金帛有如不足以此獲譏於時

高閣置衡石於其上以秤量珠玉借車子請如

願困卧夢天公過而哀之救外有以給與司錄案籍

曰此人相貧限不過此唯錄異傳曰廬陵歐明從

未生請以借之天公曰善錄異傳曰廬陵歐明從

賈客道經彭澤湖每以舟中所有多少投湖中云以

為禮積數年後復過忽見湖中有大道上多風塵有

數吏乘車馬來候明云是青洪君使要須吏達見有

府舍門下吏卒明甚怖吏曰無所怖青洪君感君前

後有禮故要君必有重遺君皆勿取獨求如願耳明

既見青洪君乃求如願使隨明去如願者青洪君婢

也明將歸所願金溝錢井劉義慶曰王武子移弟

輒得數年大富錢井北芒下時人多地貴

齊好馬射買地作埽編錢布地竟埽時人號曰金溝

風俗通曰河南平陰龐儉遭倉卒之時隨母流轉

客居廬中鑿井得陶白程羅史記曰范蠡浮海出

錢千萬遂因得富陶白程羅史記曰范蠡浮海出

賈累巨萬天下稱陶朱公又曰曰曰曰曰曰曰曰曰

若猛獸鷲鳥之發漢書曰程鄭山東遷虜也治鐵

賈富埽卓氏又曰成秦鍼魏冉左傳曰秦后子有

都羅哀貧至巨萬秦鍼魏冉左傳曰秦后子有

弟曰不出懼選后子奔晉其車千乘注曰景公母

鄭倚陶史記曰卓氏因鐵冶富又曰程鄭富埽卓

南貴擬王公富於倚氏漿酒藿肉漢書鮑宣上書

故曰倚頓陶詳陶白注漿酒藿肉漢書鮑宣上書

富

富

富

富

外親與幸臣董賢多賞賜以千萬數奴從賓銅山

客漿酒養肉蒼頭盧兒皆用致富非天意餓死上曰

金穴漢書曰上使善相人相鄧通曰當貧餓死上曰

賜金帛甚盛京師號曰郭况遷大鴻臚上數幸其弟

財如山閉門成市王隱晉書曰石崇百道營生積

富閉門輜車千乘僮客萬人史記曰儼侯出關輜

畜牧及眾斥賣求奇繒物間獻遺戎王王倍其值與

之積畜至用谷量牛馬秦始皇令保比封君以特與

列臣朝請烏氏縣名保其名也下詳量玉注

潘身傳貨以潤屋富潤屋晉楚富不可及也彼以其

富我以吾仁彼以其爵如苴成都羅哀貨至巨萬初

持錢石氏貲次如首親信之厚貨遣令往巴蜀數年

力餘貸郡國人莫敢負教之日既庶矣又何加焉曰

富如氏首氏皆富人教之日既庶矣又何加焉曰

何加焉曰既富矣又苛矣富人財雄初以財雄北邊

富埒者藏錙萬累金貨殖命而貨殖焉聚歛

季氏富於周公而求也為之聚歛而財益之厚生

子曰非吾徒也小子鳴鼓攻之可也語之厚生

生厚而德正言發身禮仁故發身於令名販脂翁

財足則思無邪灑削食灑削治刀劍胃脯以胃

以販脂而傾縣張灑削治刀劍胃脯以胃

連騎馬醫張里以馬多積積積財貨也殖貨殖利

曰安曰富周禮以保息養萬民六曰安謂賞謂殃服

卷一百三十四

富

富

富

惠伯謂叔孫曰天殆富淫慶封又富矣穆子對有馬

千駟齊景公有日食萬錢曾家過百乘田

富一州秦陽以田農用財自衛巴寡婦放利而行論

豐財 高貨 僮僕指千 貨財巨萬 雖生厚而

德正忠則無邪 苟怙富而恃盈驕而生亂戒懼好

禮富而思義無驕富而能散惡盈人道懲

拜去貪知止若富戒得在得不貪子罕以不不惑楊公

感酒無荷得禮臨財無求多貧無求多資富能訓書

資富而能感義周施漢折象父國為爵林太守有資

多藏厚亡之義乃以有制如布帛傳晏子不受邑子

金帛資產周施親踈尾問之曰吾不受

邑非惡富也恐失富也富如布帛有幅焉為之制度

多則敗吾不敢貪不義如浮雲論夫物惡盛 惟神

害盈 聖人不積 君子誠盈 須知止足之由

遠絕錐刀之末 損之而益益之而損 為富不仁

為仁不富 念其潤屋無欲實難 慮以焚身非道

不處 念失富之由必因厚利 思速貧之戒孰敢

多藏 辭宋人之寶曾是不貪 讓齊國之封殊非

惡富驕佚斯亂子曰小人富斯驕驕斯亂故聖不亡

傳曰富而不驕驕而怙富子太叔曰無怙富又曰子

期後富祿不期後而後自來服文彩而驕易生老子

人平 卷一百三十四 富

食是為膏梁而性難正國語曰膏梁難正禍難將殲慶

封奔吳吳與之朱方富於其舊穆必毀盈必毀生孽

子曰天其殘之也其將聚而殲旃傳象有齒以覆餗之陳車

服傳鄭駟秦富而後常陳墜腐鼠列子虞氏梁之富

臨大道陳酒擊博博者則中而笑飛為適墜腐鼠中

俠客俠客相謂曰虞氏富樂乃辱我以腐鼠乃聚眾

攻之滅其家注驕侈偏重必離厭偏重必離言如物

之致禍非一途也偏重必離厭偏重必離言如物亦安安

而能遷貧富饕餮貪財也盈厭貪于欲食冒于貨賄行

妨老子難得之欲縱欲不載寶必載寶而朝孔子曰

喪不如速飲泉南海有貪泉無厭早無苟得臨財無

廉詩序白華廢谿窞盈國語叔向云谿窞盈無厭

無期傳貪惓無厭予取予求不汝專利不厭申無欲

實難 傷廉 害義 貪冒 貪恹 憂貧 好利

黷貨無厭 放利多怨 貪人敗類 貪夫徇財

不可厭也 其能久乎 無德而貪子罕謂之喪

寶 不義而富仲尼喻於浮雲客齋甚愛必大費既

熾周人既熾熾者貪齋也而師史尤甚轉穀自數賈

矜以久賈過邑不入門設用魏志曹洪家富性

此等故師史能致十千萬也曹洪王戎疾管王戎園

不知意恨之鄭太項食常不足王戎疾和嶠癖和嶠癖

遍天下自執牙籌晝夜筭計儉嗇和嶠癖

不自奉養天下人謂之膏肓之疾和嶠癖

人部 卷一百三十四 二十四 富

各人謂之衣弋綈張安世字少孺尊為公侯然而身

有錢癖衣弋綈衣弋綈夫人自紡績家僅七百

皆役鑽李核王戎家有好李賣恐人得不足觀子曰

周公之才之美使驕其核以此獲譏仲尼不假蓋於子夏曰

聞與之交護其短護其短商之為人短於財吾

取其長所以能久還直乃歡王戎女適裴願貸錢數

色不悅乃歡遺衣更取王戎從子將婚戎遺其孔

氏儉嗇魯人儉而丙氏尤甚家自父兄子

齊鮑照清河頌曰士民殷富繁軼五陵宮宇宏麗

崇冠山川

銅陵家藏金穴

○貧藝文類聚

呂忱字林曰窶貧空也方言曰南楚人貧衣被醜敝

謂之須捷捷謂或謂之褸裂褸音壞或謂之藍縷藍縷為貧也

尚書洪範曰六極四曰貧 毛詩曰出

自北門憂心殷殷終窶且貧莫知我艱 又曰小東

大東杼柚其空注曰謂無他貨唯絲麻禮記子路

曰傷哉貧生無以為養死無以為禮子曰啜菽飲水

盡其歡斯之謂孝斂手足形還葬而無槨稱其財之

謂禮 又曰儒有一畝之宮環堵之室葺戶圭窬并

日而食易衣而出并言二日又曰貧者不以貨財

為禮左傳曰華門圭竇論語曰子曰邦有道貧

且賤焉恥也又曰衣敝緼袍與衣狐貉者立而不

恥者其由也與鄭玄曰緼絮也家語曰端木賜結駟連騎

以從原憲憲居蓬蒿中并日而食子貢曰甚矣子之

病也憲曰子貧也非病也列子曰凡為名者必廉

廉斯貧為名者必讓讓斯賤莊子曰原憲處魯居

環堵之室茨以生草蓬戶不完桑木為樞而甕為牖

上漏下濕匡坐而弦歌子貢乘大馬中紺而表素軒

車不容巷往見原憲憲杖藜應門子貢曰先生病也

憲應之曰憲聞無財之謂貧學而不能行之謂病今

憲貧也非病也子貢逡巡而退有愧色又曰孔子

謂顏回曰家貧居卑胡不仕乎對曰不願仕回有郭

外之田五十畝足以給饗鬻郭內十畝足以為絲麻

鼓琴可以自娛所學夫子者足以自樂也回不願仕

夫子愀然變色曰美哉又曰莊周家貧故往貸粟

於監河侯河侯曰我將得邑金貸子三百金周忿然

作色曰周昨來有中道而呼者顧視車轍有鮒魚焉

問之曰子何為者耶對曰我東海波臣也君豈有斗

升之水而活我哉周曰諾我將南游吳越之王激西

升之水而活我哉周曰諾我將南游吳越之王激西

江之水而迎子可乎鮒魚忿然作色曰吾得升斗之水為活爾君言此曾不如早索我枯魚之肆 又曰子輿與子桑友而霖雨十日子輿曰子桑殆病矣裹飯而往食之子桑若歌若哭鼓琴曰父母豈欲吾貧哉天地豈私貧吾哉求其為之者不得也 晏子曰晏子方食景公使使者至分食食之使不飽晏子亦不飽使者反之公曰晏子如此貧乎使致千金以奉賓客 孫卿子曰子夏貧常懸鶉衣于壁人曰子何不仕曰諸侯之驕我者吾不為臣大夫之驕我者吾不復見 又曰仁義之於人也譬之若貨財粟米之

於家也多有之者富少有之者貧至無有者窮 呂氏春秋曰世皆以珠玉為寶寶愈多而民愈貧失其所寶也 國語曰叔向見韓宣子宣子憂貧叔向賀之宣子曰吾有卿名而無其實無以從二三子吾是以憂子賀我何故對曰昔欒武子無一卒之田諸侯親之戎翟懷之以正晉國今吾子有欒武子之貧吾以為能修其德也是以賀若不憂德之不修而患貨之不足將弔不暇何賀之有 戰國策曰齊人有馮諼者貧乏不能自存使人屬孟嘗君願寄食門下 史記曰魏勃少時欲求見齊相曹參家貧無以自通

乃常獨蚤夜埽齊相門外相舍人怪而以為物而伺之得勃勃曰願見相君無因故為子埽門欲求見於是舍人見勃曹參因以為舍人又曰東郭先生久待詔公車貧困飢乏寒衣敝履不完行雪中履有上無下足盡以踐地道中人笑之又曰甘茂亡秦奔齊逢蘇代代為齊使於秦茂曰臣得罪於秦懼而逃無所容跡臣聞貧人女曰我無以買燭而子之燭光有餘子可分我餘光無損子之明今臣因願以餘光振之漢書曰朱買臣家貧好讀書不治產業常割薪樵賣以給食妻求去買臣笑曰我五十當貴今已四十餘妻曰如公子等終當餓死買臣不能留即聽之又曰酈食其好讀書家貧落魄無衣食產業為里監門然縣中賢豪不敢役皆謂之狂生又曰王章字仲卿為諸生學長安獨與妻居病疾無被卧牛衣中與妻訣涕泣其妻呵怒之曰仲卿京師尊貴在朝廷人誰逾仲卿者今病疾困厄不自激昂乃反涕泣何鄙也謝承後漢書曰王充字仲任少孤家貧無書常遊洛陽市肆閱所賣書見書籍續漢書曰王苑字孫仲安貧茅屋蓬戶藜藿不饜又曰范丹桓帝時以丹為萊蕪長不到官遭黨人禁錮結草而居

有時絕糧問里歌之曰甌中生塵范史雲金中生魚
范萊蕪 范曄漢書曰李元字大遜陳留人事母至
孝家貧兄弟六人同衣出入 魏略曰裴潛母之官
不將妻子妻子貧乏織荆筐以自供羣弟之田廬常
步行家人小大成并日而食 三輔決錄曰第五穎
字子陵倫小子洛陽無主人鄉里無田宅寄上靈臺
中或十日不炊 又曰孫晨字元公家貧不仕居社
城中織箕為業明詩書為郡功曹冬月無被有藁一
束暮卧其中旦收之 魏書曰楊師前後宰城守不
以私介意故身退之後家無餘財蝸牛廬居止其中

妻子凍餓 先賢行狀曰胡定字元安至行絕人在
喪雉兔遊其庭時雪霜滿其室縣令遣戶曹掾排雪
問定定已絕穀妻子皆卧在牀令即遣掾以乾糧就
遺之定乃受半 六韜曰成王問太公貧富豈有命
乎將理生不得其意太公曰盜在其室計之不熟一
盜收種不時二盜取婦無能三盜養女太多四盜棄
事就酒五盜衣服過度六盜封藏不謹七盜井竈不
便八盜舉息就利九盜無事燒火十盜安得富也
顏延之庭誥曰富則盛貧則病甚矣不惟形色麤麤
或亦神心沮喪非但交友疏棄必有家人訟誤一作
謂讓

非廣潔深識者何能不移其植一作操故欲蠲憂患莫

若懷古之意當自同古人見深則憂淺識遠則患浮

昔有琴歌於編蓬之中用此道也 楚辭曰坎壈兮

貧士失時而志不平

貧二初學記

事對六極 十盜尚書六極一曰凶短折二曰疾三

詳類聚 杼空 壁立上詳類聚 司馬相如歸而家貧徒四壁立

窳 華戶上詳類聚 符子曰楚之交子魯之周子

之室卑戶不扉蓋茨 緇袍 短褐上詳類聚 淮南

不翳而高歌不輟 蓬室 棘庭皇甫謐

則羊裘短褐不掩形而煬竈

曰老萊子楚人也耕蒙山之陽以藿葭為墻蓬蒿為

室杞木為牀著艾為席 抱朴子曰洪貧無僮僕離

落積決荆棘 牛衣 蝸廬並詳類聚 并日而食 同衣而

出並詳類聚 蓬雷 桑樞抱朴子曰洪家貧蓬莠 枯鮒

懸鵝並詳類聚 一瓢 四壁論語曰賢哉回也一簞食一

王高秦末飢亂父母兄弟死者十有五 坎壈 落魄

人飢食藜藿寒衣草衣家貧徒有四壁 何法盛晉中興 甕牖

並詳類聚 賣樵 鬻舂上詳類聚 漢書曰陳平家貧好讀書不營

席門上詳類聚 漢書曰陳平家貧好讀書不營

夜耕 晝傭陶潛搜神記曰周犍噴貧而好道夫婦

夜則伐 歡救 食藜下詳類聚 茅宅 蓬廬李劭

草燒磚 曰公居貧而不好修產業有稻田三十畝茅宅一區

張衡歸田賦曰感老氏之遺戒乃迴駕乎蓬廬

卷一百三十四 三十一 貧

蓬戶 **蒿牀** 上詳類聚 皇甫謐高士傳曰田賣十

傭書 司馬彪續漢書曰范丹桓帝時辟為太尉自

魏書曰崔亮字敬儒清河 **雪履** 塵甑 並詳 **立錐地**

擔石儲 史記曰楚相孫叔敖知優孟賢謂其子曰

果窮困負薪逢優孟謂孟父所誠言孟即為教子談

說楚王謂叔敖復生欲以為相孟曰請與婦計之三

日而來曰婦言慎勿為楚相孫叔敖為相盡忠及死

其子無立錐之地何足為也王遂封教子 **元安已絕** 並詳

華歆素清貧祿賜悉賑 **子桑殆病** 魏志曰

施親戚家無儋石之儲 **貧三帖** 禮曰老而無夫曰寡老而無妻曰鰥老而無子

無告 禮曰獨少而無父曰孤此四者天民之窮而無告

者皆有 **不憂** 語君子憂 **卧雪** 大雪文餘洛陽令按行

常餓 **安德** 安德而忘貧也 **久**

約 子曰不仁者不 **屢空** 子曰回也其 **十旬** 子思十三

歲爾二歲食貧 **無諂** 貧而無諂未 **不去** 貧與賤是人

以其道得 **不懼** 貧賤而知好 **無怨** 怨難 **晏如** 揚雄

不過十金無儋 **亂也** 子曰好勇 **居結草** 范丹結草而

石之儲晏如也 **立肺石** 周禮以肺石達窮民凡遠

室懸磬 磬言空也 **宿白社** 董威輦嘗宿

上而不為達者立於肺石三日 **宿白社** 董威輦嘗宿

士聽其辭以告於上而罪其長 **宿白社** 董威輦嘗宿

於市 **食半菽** 蔬菽相半 **衣百結** 董先生 **沒蓬蒿** 張仲尉所

甘藜藿 文 **恤艱阨** 阨窮困 **賑窮貧** 周禮以保息

人 **甘藜藿** 文 **恤艱阨** 阨窮困 **賑窮貧** 周禮以保息

於市 **食半菽** 蔬菽相半 **衣百結** 董先生 **沒蓬蒿** 張仲尉所

於市 **食半菽** 蔬菽相半 **衣百結** 董先生 **沒蓬蒿** 張仲尉所

於市 **食半菽** 蔬菽相半 **衣百結** 董先生 **沒蓬蒿** 張仲尉所

人部 卷一百三十四 三十一

曰賑窮四 不隕穫 禮不隕穫於貧賤隕 莫能興 子在

曰恤貧 無正寢 溫彥博家 不學儉 馬周上疏里語

莫能興 莫能興 君子不辭 富不辭貧 小人斯濫 子曰君

自然也 居常待終 榮落期曰貧者士 居易俟命 君子

命 不得其所 禮老幼孤獨 不改其樂 一簞食一瓢

斯約斯盜 子曰小人窮斯約約斯盜故聖 簞食無憂

顏琴歌自樂 榮落期 糠豆不贍 貢禹 藜藿不糝 孔子厄

十年不制 莊子曰曾子在衛緇袍無表十年不制

決三日不舉火 莊子曰曾子在衛 被褐 帶絲 介特

單獨 身安白社 業保青氈 蓬門下客 華

戶輕生 人生到此 天命何知 乏於貨財 闕

於禮義 始因十盜之由 終標六極之數 衣無

卒夜之虞 食空兼晨之畜 雖富哉是入所欲

而貧者亦士之常 荷鍤東阪且棲遲於衡泌 帶

經南畝常偃息於蒿萊

詩 魏應瑗雜詩曰貧子語窮兒無錢可把撮耕日不

得粟采彼北山葛簞瓢恒自在無用相呵喝 晉左

思詠史詩曰習習籠中鳥舉翮觸四隅落落窮巷士

抱影守空廬出門無通路枳棘塞中途計策棄不收

人部 卷一百三十四 三十一 貧

人音 卷一百三十四 三十三
塊若枯池魚外望無寸祿內顧無斗儲親戚還相蔑
朋友日漸踈 晉張望詩曰荒墟人迹稀隱僻閭鄰
闕葦籬自朽損毀屋每寥谿炎夏無完締玄冬無暖
褐四體困寒暑六時疲饑渴營生生愈瘁愁來不可
割 晉江道詩曰華門不啓扉環堵蒙蒿榛空瓢覆
壁下簞上自生塵出問誰氏子億哉亦何貧 宋陶
潛貧士詩曰萬族各有託孤雲獨無依曖曖虛中滅
何時見餘暉 又詩曰安貧守賤者自古有黔婁好
爵吾弗營厚饋吾不酬一日壽命盡蔽覆乃不周豈
不知其極非道固無憂 又曰妻厲歲將暮擁褐曝

南軒前圃無遺秀枯條盈北園傾壺絕餘瀝窺竈不
見煙詩書塞坐外白日去不還 又曰榮叟老帶索
欣然方彈琴原生納決履清歌暢高音歛袂不掩肘
藜羹乏恒斟豈忘襲輕裘苟得非所欽 又曰仲蔚
愛窮居繞屋生蒿蓬翳然絕交遊賦詩頗能工介焉
安其業所樂非窮通人事固已拙聊得長自從 宋
鮑照貧賤愁苦行曰湮沒雖死悲貧苦卽生劇長歎
至天曉愁苦窮日夕盛顏當少歇鬢髮先老白親友
四面絕朋知斷三益空庭慙樹萱藥餌愧過客貧年
忘日時黯顏就人惜俄頃不相酬恇怩面已赤或以

一 金恨便成百年隙心為千條計事未見一獲以此
窮百年不如還窳窳 宋袁伯文述山貧詩曰傭滌
倦問開耕牧憇松丘製荷依露壑寒若逗霜洲鬢垂
驚年素膚耗盈帶憂幸有深棲性幽山可以留 梁
王僧孺傷乞人詩曰少年空扶轍白首竟填溝葦席
何由足救霍不能周自顧非好行乞且欲包羞勞君
欸曲問冒此殷勤酬 宋蕭璟貧士詩曰四時迭來
往苦辛隨事迫三冬泣牛被五月披裘客遲遲春日
永憂來安所適季秋授衣節荷裳竟不易班超棄筆
硯婁敬脫挽輓雖云丈夫志終涉自媒迹賢哉顏氏

子飲水常怡懌 梁朱超詠貧詩曰觸塗皆可試惟
貧獨未安窓開兩片月霜足一重寒藁濕鋪牀冷荷
脆補衣難若言為客易推劍與君彈
詞魏武謠俗詞曰甕中無斗儲發篋無尺縉友來從
我貸不知所以應

賦漢揚雄逐貧賦曰揚子遁世離俗隱處左鄰崇山
右接曠野鄰垣乞兒終貧且窶禮薄義敝相與羣聚
惆悵失志呼貧與語汝在六極投棄荒遐好為庸卒
刑戮是加匪惟幼稚嬉戲土沙亦非近鄰接屋連家
恩輕毛羽義薄綺羅進不由德退不受呵久為滯客

其意若何人皆文繡余褐不完人皆稻粱我獨藜食
貧無寶玩何以接歡宗室之宴為樂不期徒行負笈
出處易衣身服百役手足胼胝或耘或耔霑體露肌
朋友道絕達官陵遲厥咎安在職汝為之舍汝遠竄
崑崙之巔爾復我隨翰飛戾天舍爾登山幽穴隱藏
爾復隨我陟彼高岡舍爾入海汎彼柏舟爾復我隨
載沈載浮我行爾動我靜汝休豈無他人從我何求
今汝去矣勿復久留貧曰唯唯主人見逐多言益嗤
心有所懷願得盡辭昔我乃祖宣其明德克佐帝堯
誓為典則土階茅茨匪雕匪飾爰及季世縱其昏惑
饕餮之羣貪富苟得鄙我先人乃傲乃驕瑤臺瓊室
華屋崇高流酒為池積肉為肴是用鵠逝不踐其朝
三省吾身謂子無讐處君之所福祿如山忘我大德
思我小怨堪寒能暑少而習焉寒暑不忒等壽神仙
桀跡不顧貪戾不干人皆重閉子獨露居人皆怵惕
子獨無虞言辭既罄色厲目張攝齋而興降階下堂
逝將去汝適彼首陽孤竹之子與我連行予乃避席
辭謝不直請不貳過聞義則服長與爾居終無厭極
貧遂不去與我遊息 晉束皙貧家賦曰余遭家之
轆軻嬰六極之困屯恒勤身以勞思丁飢寒之苦辛

無原憲之厚德有人斯之下貧有漏狹之草屋無蔽覆之受塵欲恚怒而無益徒怫鬱而獨嗔蒙乾坤之徧覆庶無財而有仁唯四壁之常在時弛落而壓鎮食草葉而不飽常嗷嗷於膳珍涉孟夏之季月迄仲冬之堅冰稍煎蹙而窮迫無衣褐以蔽身還趨牀而無被手狂攘而妄牽何長夜之難曉心咨嗟以怨天債家至而相敦乃取束而償西行乞貸而無處退顧影以自憐街賣業而難售遂前至於飢年煮黃當之草菜作汪洋之羹饋金遲鈍而難沸薪鬱絀而不然至日中而不熟心苦苦而飢懸丈夫慨於堂上妻妾歎於竈間悲風敷於左側小兒啼於右邊

宋晁道元與石公晟曰道居在城南接水墟草木幽鬱蚊蚋所藏茅茨陋宇纔容數牀積汗累燠體貌萎黃冬則兩幅之薄被心有牽黎與漉絮撤以三股之絲緹給以四升之麤布狹領不掩其巨形促緣不覆其長度申脚則足出攀捲則拳露

書魏應璩與韋仲將書曰夫以原憲縣磬之居而值皇天無已之雨薪芻既盡舊穀亦傾匱屠蘇撤發機楡見謀進無顏子不改之志退無揚雄晏然之情是以懷蹙良不可堪人非神仙須仰衣食方今體寒心

八音 卷一百三十四 三十一
飢憂在旦夕而欲東希誅昌治生之物西望陵縣廚
食之祿誠恐將為牛蹄中魚卒鮑氏之肆矣 又與
董仲連書曰穀糴驚踊告求周鄰日獲數升猶復無
薪可以熟之雖孟軻困於梁宋宣尼飢於陳蔡無以
過此夫挾管晏之智者不有斯役之勞懷陶朱之慮
者不居貧賤之地出蒙譏於臧獲入見謫於嬪息忽
使邑憤不知處世之為樂 又與尚書諸郎書曰夫
秋節涼和霖雨清閑正高會之盛時飲宴之良日也
而陋巷之居無高密之宇壁立之室無旬朔之資流
潦浸於北堂隙漏霑於衣服藁蒸單竭檐石傾罄中

饋告乏役者莫與飯玉炊桂猶尚優泰雖欣皇天之
降潤亮水車之思雨私懷感額良不可言想諸夫子
亦斯困也夫否泰潛升盖由昏明二三執事以龍虎
之姿遭風雲之會方將飛騰闔闔振翼紫微運籌帷
幄顯揚豐績豈久沉滯於下職契闕於貧悴哉

文漢蔡邕九惟文曰八惟困乏憂心殷殷天之生我
星宿值貧六極之厄獨遭斯勤居處浮澗無以自存
冬日栗栗上下同雲無衣無褐何以自温六月徂暑
炎赫來臻無絺無綌何以蔽身無食不飽永離懽欣

○債負帖

貸粟 莊周貸粟 賈酒 高祖從王媪氏武負賈 判書 周

凡有債者判書以治則聽注謂出債折券 援馬倍息 漢

錯曰急政暴賦有者半賈而買無者取 無償 晉太康

倍稱之息注稱舉息利也倍利而舉債 轉債使人歸之而

貸粟王長文無屬債 周禮凡屬債者以其地轉債而

以償詳賑郵 屬債 其辭注屬債轉債使人歸之而

本主死亡歸受之數相抵冒者也以其地 已債 傳曰

注已止也 稱貯息 漢書商賈大者稱貯息少 貸子

債棄通債也 稱貯息 者坐列販賣注稱舉也 貸子

家 關東勝負未決莫肯與之 惟母鹽氏出千金貸之

其息十之三月吳楚平一歲中息十倍 國服為息 禮

注行者須糧而出錢家貸十倍之也 鬻賣以償 晁錯曰

賒者祭祀旬日喪紀三月國服為 鬻賣以償 故有鬻

之息注以其國之所出為息利也 鬻賣以償 故有鬻

子孫賣田宅 不假免官 曹洪富而吝文帝少時求假

以償債也 不假免官 不稱常恨之後因事而免官

試貸上事 越大夫種臣觀吳政驕矣請試之貸

○乞假 帖

借乘 有馬者借 假蓋 夫子不假蓋於 乞食 重耳過衛

野人與 假道 于虞以 不反 反矣 不貴 得之 乞食 于野

之塊 假道 伐虢 不反 反矣 不貴 得之 乞食 于野

曹操父嵩 假許田 許田 假羽毛 歸 不登山

乞勾攜養 強句 假許田 許田 假羽毛 歸 不登山

以呼 吳申叔時乞糧於公孫有山有山曰梁則無 乞

隣而與 微生高或乞醯焉 名器不假 唯名與器不可

瓶之智守 內外不通 假注內外不通乞 量而後入 禮乞

不假器禮 內外不通 假注內外不通乞 量而後入 禮乞

人必量而後入不入 久而不歸 孟子曰五霸假之也

而後量注量其可入 久而不歸 孟子曰五霸假之也

非亦無幾求 言所勿虛其請

也 非亦無幾求 言所勿虛其請

○賤白

白屋周公下白馬韉蘇秦先貴張儀來謁不辭君子曰

辭貴不所惡子曰貧與賤是為本老子貴以辱身下

惠字展禽能鄙事吾少也賤故無淫行有守心而朝

不坐 宴不與言賤也好禮不憚貧賤而知好樂道而

忘文子曰樂華門圭竇蓬戶圭華之甕牖繩樞漢陳

牖繩樞之子有道為恥語邦有道貧妨貴謂逆傳賤

吐隸之人吐隸之人詳雖賤者是

人所惡 而貧者亦士之常 賤而知命何必躁求

貴且在天豈宜苟得 唐類函卷一百三十四

唐類函卷一百三十五

明東吳俞安期彙纂

明武林卓爾昌校訂

人部十六 隱逸上

○隱逸上藝文類聚

周易曰遊世無悶 又曰天地閉賢人隱 又曰不

事王侯高尚其事 又曰貴于丘園束帛戔戔 毛

詩云衡門之下可以棲遲 禮記曰儒有上不臣天

子下不事諸侯 又曰季春之月聘名士禮賢者

論語曰逸民伯夷叔齊虞仲夷逸朱張柳下惠少連

八下 卷一百三十五 隱逸

莊子曰古之所謂隱士者非伏其身而不見也非
閉其言而不出也非藏其知而不發也時命大謬也
又曰刻意尚行離世異俗此山谷之士避世之人
也就藪澤處閒曠釣魚間處無爲而已矣此江海之
士避世之人也閑暇之所好也 又曰廣成子在崆
峒之上黃帝問曰吾欲取天地之精以養萬物爲之
奈何廣成子蹙然而起曰至道之精窈窈冥冥無視
無聽抱神以靜我守其一以處其和故千二百歲而
形未嘗衰得吾道者上爲皇而下爲王失吾道者上
見光而下爲土吾將去汝入無窮之門遊無極之野

則日月參光與天地爲常 又曰黃帝將見大隗于
具茨之山方明爲御昌寓參乘塗遇牧馬童子黃帝
曰異哉請問爲天下小童曰予少遊六合之內適有
瞽病有長者教予乘日之車遊於襄城之野今病少
損將復遊六合之外爲天下者予奚事焉夫爲天下
亦奚異牧馬哉去其害馬而已黃帝再拜稱天師而
退 魏隸高士傳曰善卷者舜以天下讓之卷曰予
立宇宙之中冬衣皮毛夏衣絺葛日出而作日入而
息逍遙天地之間何以天下爲哉遂入深山莫知其
所終 又曰石戶之農不知何許人與舜爲友舜以

天下讓之石戶夫負妻戴攜子以入海終身不返

又曰伯成子高者唐虞之時為諸侯至禹去而耕禹

在趨而問之子高曰昔堯治天下至公無私不賞而

勸不罰而民畏今子賞而不勸罰而不威德自此

刑自此作夫子盍行乎無落吾事佶佶乎耕而不

穫 又曰巢父堯時隱人年老以樹為巢而寢其上

故人號為巢父堯之讓許由也由以告巢父巢父曰

汝何不隱汝行藏汝光若非吾友也乃擊其膺而下

之由悵然不自得乃過清泠之水洗其耳拭其目曰

嚮聞貪言負吾友遂去終身不相見 又曰許由字

武仲堯舜皆師之與齧缺論堯而去隱乎沛澤之中

堯乃致天下而讓焉曰十日竝出一作日而燭火不

息其於光也不亦難乎夫子為天子則天下治我猶

尸之吾自視缺然許由曰吾將為名乎名者實之賓

吾將為賓乎乃去宿於逆旅之家旦而遺其皮冠巢

父聞由為堯所讓以為汗乃臨池水而洗其耳池主

怒曰何以汗我水由乃退而遯耕於中岳潁水之陽

箕山之下 又曰壤父者堯時人年八十餘而擊壤

於道中觀者曰大哉帝之德也壤父曰吾日出而作

日入而息鑿井而飲耕田而食帝何德於我哉 又

曰子支伯者舜以天下讓支伯支伯曰予適有幽憂之病方且治之未暇治天下也遂不知所之 又曰被裘公者吳人也延陵季子出遊見道中遺金顧而覩之謂公曰取彼金公投鎌瞑目拂手而言曰何子居之高視人之卑吾被裘而負薪豈取遺金者哉季子大驚而問其姓名曰吾子皮相之士何足語姓名哉 又曰段干木者治清節遊西河守道不仕魏文侯就造其門干木踰墻而避之文侯以客禮待之出過其廬則式其僕問之文侯曰干木不移勢利隱處者卷聲馳千里敢勿式乎文侯所以名過齊桓公者

能尊段干木敬卜子夏友田子方故也 又曰莊周少學老子梁惠王時為蒙縣漆園吏以卑賤不肯仕楚威以百金聘周周方釣於濮水之上曰楚有龜死三千歲矣中笥而藏之於廟堂之上此龜寧生而掉尾塗中耳子往矣吾方掉尾於塗中後齊宣王又以千金之幣迎周為相周曰子不見郊祭之犧牛乎衣以文繡食以芻菽及其牽入太廟欲為孤豚其可得乎遂終身不仕 又曰魯連好奇偉倜儻嘗遊趙難新垣衍以秦為帝秦軍為却平原君欲封連連三辭平原君乃以千金為連壽連笑曰所貴於天下之士

者爲人排患釋難也卽有取之商賈之事耳及燕將
守遼城田單攻之不能下連乃爲書射城中遺燕將
燕將見書泣三日乃自殺城降田單欲爵連連曰吾
與其富貴而詘於人寧貧賤輕世而肆意 又曰閻
丘先生齊宣王獵於社山社山父老十三人相與勞
王王賜父老不稅先生獨不謝曰願得壽得富得貴
夫選良吏平法度則臣得壽矣賑之以時則臣得富
矣令少敬長則臣得貴矣 又曰田生管牀茅屋不
肯仕宦惠帝親自往不出屋 又曰鄭仲虞不仕漢
章帝自往終不肯起曰陛下何惜不爲上世君令臣
得爲偃息之民天子以尚書祿終其身世號白衣尚
書 又曰韓福者以行義修潔昭帝時以德行徵病
不進元鳳元年詔賜帛五十四遣長吏時以存問常
以八月賜羊酒有不幸者死者賜複衾一襲祠以中
牢自是至今爲徵士之故事福終身不仕卒於家
又曰班嗣世在京師家有賜書內足於財父黨楊子
雲以下莫不造門桓君山從借莊子嗣報曰今吾子
貫仁義之羈絆繫聲名之韁繮伏孔氏之軌躅馳顏
閔之極摯何用大道爲自眩曜昔有學步邯鄲者匍
匐而歸耳其行已持論如此遂終于家 又曰尚長

字子平會慶字子夏二人相善慶隱避不仕王莽長
通易老子安貧樂道好事者更饋遺輒受之自足還
餘如有不取也舉措必於中和司空王邑辟之連年
乃欲薦之於莽固辭乃止遂求退讀易至損益卦喟
然歎曰吾已知富貴不如貧賤未知存何如亡爾爲
子嫁聚畢救斷家事勿復相關當如我死矣是後肆
意與同好遊五岳名山遂不知所在 續晉陽秋曰
謝敷隱居會稽山初月犯少微星一名處士星時戴
逵名重於敷時人憂之俄而敷死故會稽士人嘲吳
人云吳中高士求死不得 世說曰郗超每聞欲高

尚隱退者輒爲辦百萬資并爲造立居宇 自刻爲戴
公起宅甚精戴始往居與所親書曰近在剡如入官
舍又爲傅約亦辦百萬傅隱事差互故不果述 又
曰支道林因人就深公買印山深公曰未聞巢由買
山而隱 表淑真隱傳曰鬼谷先生不知何許人也
隱居韜智居鬼谷山因以爲稱蘇秦張儀師之遂立
功名先生遺書責之曰若二君豈不見河邊之樹乎
僕御折其枝波浪盪其根上無徑尺之陰身被數千
之痕此木豈與天地有仇怨所居然也子不見嵩岱
之松柏華霍之檀桐乎上枝干於青雲下根通于三

泉千秋萬歲不受斧斤之患此木豈與天地有骨肉哉蓋所居然也 又曰鷓冠子或曰楚人隱居幽山衣被屢空以鷓為冠莫測其名因服成號著書言道家馮諼常師事之後顯於趙鷓冠子懼其薦已也乃與諼絕

隱逸二帖白

採薇伯夷叔齊不食周粟乃採 賣藥後漢韓康字伯休賣藥不 伯休伯休何不二價康且惡其名聞乃避 露寢魏志高士傳焦先字孝然結草廬於河間後野火燒之乃露寢雪中祀 窟居魏孫登字公和

無家屬土窟中居夏則編草為裳冬則被髮也 牆東後漢王君公遭亂

向翔字甫興少為書生卓犖講老子狀如學道又 蘇門阮籍詣蘇門隱者有竹實數 吳市福

伏而不視 蘇門阮籍詣蘇門隱者有竹實數 吳市福

字子真變姓名 谷口漢鄭子真不屈其志耕 桃源秦

為吳市門卒 名 谷口漢鄭子真不屈其志耕 桃源秦

蔣徑蔣詡歸杜 豪丘嵇含字君道在鞏縣豪丘自號

終之 夷門侯嬴 蝸廬盧又焦先作蝸牛 振手申屠蟠字子

辟不就後會葬瓊名豪譚論莫及蟠唯南郊一室與

酬對臨別執蟠手曰君非聘則徵不久當相見上國

手而去 散髮髮絕世 求志隱居以 放言論語虞仲

言世事 小隱山林 大隱朝市 外臣 上士 養正蒙以

育德養善人倫 激論黨事起唯林宗表閔得免 保

保

性命後漢臺修字孝威刺史行部執贄見曰孝威居

事反不嚴沈冥漢書蜀郡段偃息息潘魏富春渚

嚴陵淮陽山應性本自周武王左傳曰邢晉應韓武

不如俱微曜獨不至時人謂之曰南山四皓琴酒自娛

晉陶潛字淵明少慕山林之操志全帛不受董京字

洛陽被髮行吟常宿白社之中時乞於市得碎繒結

不肯鴻飛冥冥高道不仕也往來屑屑王良病歸就徵

肯見日有忠言奇謀當取大蓬蒿没人張仲蔚隱居

土室四周後漢袁閔字夏甫黨事將作閔遂散髮絕

母思閔時往視之去便掩閉兄弟妻子莫得見之不

見親族晉夏統字仲御隱居不與親族相不觀車駕

桓帝車駕過漢濱人皆觀之有一丈夫終身不仕禮

非時不見禮中清中權廢身中清可聞可仰晉宋纖字

太守馬岌具威儀鏡鼓造之纖不見岌歎曰名隱居

之服妾有隱居之渾沌之術孔子曰彼渾沌之王喬

鄴令隱老聃枉史采榮四皓四皓采作者七人語

考槃在澗詩薄游於朝逢萌不答太守人皆化其

德太守遣使奉謁不答太守恨使捕捉吏曰子慶賢

天下之所知在處人敬往必不獲勞山民果相率持

兵弩御吏宋纖不見太守前遺榮離俗遺物文

至人潔身避地樂天養素韞光逃名

放性 素履 肥遯 嘉遯 高蹈 高名 獨行

逍遙 放曠 白駒在谷 玄豹隱山 洗耳穎

川 垂綸濮水 隨時出處 與道浮沈 於陵灌

園 伯休賣藥 韞跡匿光 銷聲藏影 遺形塵

累 反性混元 名因跡晦 志以道寧 貞不絕

俗 隱不違親范滂美表閔 辰祥降靈 山河叶瑞 德

成而上 樂在其中 玄豹隱霧 鳴鶴在陰 俯

臨盤石 仰對貞松 人各有能 物忤其性 辱

身降志 和光同塵 斯遠暴慢 于焉逍遙 曼

倩游於漢朝東方朔字曼倩 子真隱於吳市梅福 味太玄而拔

俗 守虛白而辭榮 自謂羲皇之人 安知堯舜

之世 君平之居卜肆 莊子之吏漆園 名利不

混其情 榮辱匪易其操 攀桂紉蘭則有高尚

衣荷製芟早慕幽貞 不貴軒冕之榮 自得山林

之趣 亭亭朗月遠照山扉 肅肅清風傍來澗牖

謝魏阮瑀詩曰四皓潛南岳老萊竄河濱顏回樂陋

巷許由安賤貧伯夷餓首陽天下歸其仁何患處貧

苦但當守明真 晉張華招隱詩曰隱士託山林遯

世以保真連惠亮未遇雄才屈不申 又曰棲遲四

野外陸沈背當時循名奄不著藏器待無期羲和策

六龍弭節越崦嵫盛年俛仰過忽若振輕絲 晉張
載招隱曰出處雖殊塗居然有輕易山林有悔恡人
間實多累鵝雛翔穹冥蒲且不能視鸛鷺遵臯渚數
爲矰所繫隱顯雖在心彼我共一地不見巫山火芝
艾豈相離去來拍時俗超然僻世爲得意在丘中安
事愚與智 晉張協詩曰結宇窮嵐曲耦耕幽藪陰
荒庭寂以閑山岫峭且深淒風起東谷有滄興南岑
雖無箕畢期膚寸自成霖澤雉登壟唯寒猿擁條吟
溪壑無人迹荒楚鬱蕭森投耒脩岸垂時聞樵採音
重基可擬志迴淵可比心養真尚無爲道勝貴陸沈

遊思竹素園寄心翰墨林 晉左思招隱詩曰杖策

招隱士荒塗橫古今巖穴無結構丘中有鳴琴白雪
傍陰岡丹葩耀陽林非必絲與竹山水有清音何事
待嘯歌灌木自悲吟 又曰經始東山廬果下自成
榛前有寒泉井聊可瑩心神 晉陸機招隱詩曰駕
言尋飛遯山路鬱盤桓芳蘭振蕙葉玉泉涌微瀾嘉
卉獻時服靈木進朝餐 又曰朝採南澗藻夕息西
山足輕條象雲構密葉成翠幄結風符蘭林回芳薄
秀木 又曰尋山求逸民穹谷幽且遐清泉盪玉渚
文魚躍中波 晉閻丘冲招隱詩曰大道曠且夷蹊

路安足尋經世有險易隱顯自存心嗟哉巖岫士歸
來從所欽 晉王康琚招隱詩曰登山招隱士褰裳
躡遺蹤華條當園室翠葉代綺窻 晉辛曠贈皇甫
謐詩曰顛顛朝士亦孔其依莫不遲想載渴載飢我
弓我旄禮亦無違企望高岡來儀來歸其暉伊何與
帝同心明明天子如日之臨臨照四方探賾幽深山
無逸民水無潛龍爰彼九臯克量德音茂哉先生皇
實是欽 宋謝靈運越嶺谿行詩曰猿鳴誠知曙幽
谷光未顯巖下雲方合花上露猶泫逶迤傍嶺嶮迢
遞陟陁峴蘋萍泛深沈蒲菰冒清淺企石挹飛泉攀

林摘葉卷想見山阿人蘿薜若在眼 梁武帝逸民
詩曰如壠生木木有異心如林鳴鳥鳥有異音如江
游魚魚有浮沈巖巖山高湛湛水深事迹易見理相
難尋 梁沈約八詠守山東曰守山東山東萬嶺鬱
青葱兩谿共一瀉水潔望如空岸側青莎被巖間丹
桂叢上瞻旣隱軫下睇亦冥濛遠林響咆獸近樹聒
鳴蟲路出若溪右澗吐金華東萬仞倒危石百丈注
懸深掣曳寫流電奔飛似白虹洞井含清氣漏穴吐
飛風玉竇膏滴瀝石室乳空籠余平生之所愛歛暮
年而此逢欲一去而不還恨邦君之未褫秩滿撫白

雲淹留事芝髓 梁劉孝標始居山管室詩曰自昔
厭諠鄙執志好栖息嘯歌棄城市歸來事耕織鑿戶
闢嚙曉開軒望嶰崩激水簷前溜脩竹堂陰植香風
鳴紫鸞高梧巢綠翼泉脉洞杳杳流波下不極髮髯
玉山隈響像瑤池側夜誦神僊記旦吸雲霞色將馭
六龍輿行從三鳥食誰與金門士撫心論芻臆 梁
范雲答何曲先生詩曰終朝吐祥霧薄晚孕竒煙洞
澗生芝草重崖出醴泉中有懷真士被褐守冲玄石
戶栖十秘金壇謁九僊乘鸞方履漢轡鶴上騰天
梁吳筠詩曰山際見來煙竹中窺落日鳥向巖上飛

雲從窻裏出 又曰綠竹可充食女蘿可代裙山中
自有宅桂樹籠青雲 又曰且區窮地險稽山萬里
餘奈何梁隱士一去無還書 梁任昉答劉居士詩
曰君子之道亦有其四高行絕俗盛德出類才同文
錦學非書肆望之可階卽之難至輟精天理躔象少
微人與俗異道與人違庭飛熠燿室滿伊威行無轍
迹理絕心機 又答何徵君詩曰散誕羈鞅外拘束
名教裏得性千乘同山林無朝市勿以耕蠶貴空笑
易農士宿昔仰高山超然絕塵軌壺已等藥命管亦
齊符璽無爲歎獨遊若終方同止 又贈徐徵君詩

曰促生悲永路早交傷晚別自我隔容徽於焉徂歲月情非山河阻意似江湖悅東臯有儒素香與榮名絕曾是違賞心曷用箴余缺眇焉追平生塵書廢不閱信此伊能已懷抱豈暫輟何以表相思貞松擅嚴節 梁庾肩吾贈周處士詩曰九丹開石室三徑沒荒林僊人翻可見隱士更難尋籬下黃花菊丘中白雪琴方欣松柏酒自和遊山吟 又尋周處士弘讓詩曰試遂赤松遊披林對一丘梨紅大谷晚桂白小山秋石鏡菱花發桐門琴曲愁泉飛疑度雨雲積似重樓王孫若不去山中定可留 又賦得嵇叔夜詩

曰山林重明滅風月臨躡塵著書惟隱士談玄止谷神鴈重翻傷性蠶寒更養身廣陵餘故曲山陽有舊隣俗儉寧妨患才多反累身寄言山吏部無以助庖人 周明帝贈韋居士詩曰六爻貞遯世三辰光少微潁陽去猶遠滄洲遂不歸風動秋蘭佩香飄蓮葉衣坐石窺僊洞乘槎下釣磯嶺松千仞直巖泉百丈飛儻能同四隱來參余萬機 周王褒贈周處士詩曰我行無歲月征馬屢盤桓嶠曲三危阻關重九折難猶持漢使節尚服楚臣冠巢禽疑上幕驚羽畏虛彈飛蓬去不已客思漸無端壯志與時歇生年隨事

闌百齡悲促命數刻念餘歡雲生隴坻黑桑疎薊北
 寒鳥道無蹊徑清溪有波瀾思君化羽翮要我鑄金
 丹 又和趙王隱士詩曰鳧鵠均長短鷓鴣共逍遙
 清襟蘊秀氣虛席滿颯颯斷絃維續葛獨酌止傾瓢
 菖蒲九重節桑薪七過燒 周庾信奉和趙王隱士
 詩曰洛陽徵五隱東都別二賢雲氣浮函谷星光集
 潁川灞陵採樵路成都賣卜錢鹿裘披稍裂藜牀坐
 欲穿阮籍屨 嘯嵇康訝一絃澗險無平石山深足
 細泉低松猶一丈少鶴已千年野鳥繁絃轉山花簇
 火然雖無亭長識終見野人船 又窮秋寄隱士詩

曰王倪逢齧缺桀溺偶長沮藜牀負日臥麥隴帶經
 鋤自然曲木几無名科斗書聚花聊飼雀穿池試養
 魚小村治澀路低田補壞渠秋水牽沙落寒藤抱樹
 疎空枉平原騎來過仲蔚廬 陳周弘正還草堂尋
 處士弟詩曰四時易在華百齡修將半故老多零落
 山僧盡凋散宿樹倒為杳舊水侵成岸幽尋屬令弟
 依然歸舊館感物自多傷况乃春鸞亂 陳周弘讓
 無名詩曰行行訪名岳處處必留連遂至一巖裏灌
 木上參天忽見茆茨屋曖曖有人煙一士開門出一
 士呼我前相看不道姓焉知隱與僊 陳伏知道賦

得招隱詩曰招隱訪僊楹丘中琴正鳴桂叢侵石路
 桃花隔世情薄暮安車近林喧山鳥驚 陳張正見
 賦得落落窮巷士詩曰楊雲不邀名原憲本遺榮草
 長三徑合花發四鄰明塵隨幽巷淨嘯逐遠風清門
 外無車轍自可絕公卿 陳江總夏日還山庭詩曰
 獨於幽棲地山庭暗女蘿澗清長低篠池開半卷荷
 野花朝暝落盤根歲月多停樽無賞慰狎鳥自經過
 又春夜山庭詩曰春夜芳時晚幽庭野氣深山疑
 刻削意樹接縱橫陰戶對忘憂草池驚旅浴禽樽中
 良得性物外知余心 隋王由禮賦得巖穴無結構

詩曰巖間無結構谷處極幽尋葉落秋巢迫雲生石
 路深早梅香野徑清澗響丘琴獨有棲遲客留連芳

杜心

賦後漢張衡歸田賦曰遊都邑以永久無明略以佐
 時徒臨川以羨魚俟河清乎未期感蔡子之慷慨從
 唐生以決疑諒天道之微昧追漁父以同嬉於是仲
 春令月時和氣清原隰鬱茂百草滋榮王雅鼓翼倉
 庚哀鳴交頸頡頏關關嚶嚶於焉逍遙聊以娛情于
 時曜靈俄景繼以望舒極盤遊之至樂雖日夕以忘
 劬感老氏之遺誠且迴駕乎蓬廬彈五絃之妙音詠

周孔之圖書揮翰墨以奮藻陳三皇之軌模苟縱心於域外焉知榮辱之所拘魏曹植潛志賦曰潛大道以遊志希往昔之遐烈矯貞亮以作矢當苑囿乎呈藝驅仁義以爲禽必信忠而後發退隱身以滅迹進出世而取容且摧剛而和謀接處肅以靜恭亮知榮而守辱惟天路以爲通晉張華歸田賦曰隨陰陽之開闔從時宜以卷舒冬奧處以城邑春遊放於外廬歸郊廓之舊里託言靜以閑居育草木之藹蔚因地勢之丘墟豐蔬果之林錯茂桑麻之紛敷用天道以取資行藥物以爲娛時逍遙於洛濱聊相伴以

縱意目白沙與積礫玩衆卉之同異揚素波以濯足泝清瀾以蕩思低徊住留棲遲菴藹存神忽微遊精域外藉纖草以爲茵援垂陰以爲蓋瞻高鳥之陵風臨鱗魚於清瀨眇萬物而遠觀修自然之通會以退足於一壑故處否而忘泰晉陸機幽人賦曰世有幽人漁釣乎玄渚彈雲冕以辭世披宵褐而延佇是以物外莫得窺其奧舉世不足揚其波勁秋不能凋其葉芳春不能發其華超沈冥以絕緒豈世網之能加又應嘉賦曰友人作嘉遁賦與余者作賦應之號曰應嘉云傲世公子體逸懷遐意邈澄霄神夷

靜波仰羣軌以遙企頓駿翮以婆娑寄冲氛於大象
解心累於世羅襲三閭之奇服詠南榮之清歌濯下
泉於浚澗泝凱風於卷阿指千秋以厲響俟寂寞之
來和懷前修之彷彿覲幽人之所過抱玄景以獨寐
含芳風而寤語發蘭音以清唱操玉懷而喻予於是
葺宇中陵築室河曲軌絕千途而門瞻百族假妙道
以達觀考貞龜而貞卜苟形骸之可忘豈投簪其必
谷方介丘於尺阜託雲林乎一木佇鳴條以招風聆
哀音其如玉窮覽物以盡齒將弭迹於餘足 晉陸
雲逸民賦曰富貴者是人之所以欲而古之逸民輕天

下細萬物而欲專一丘之懽一壑之美豈不以身重
於宇宙而恬貴於紛華哉天地不易其樂萬物不干
其志然後可以妙有生之極固無疆之休乃爲賦曰
世有逸人棲遲乎一丘委天形以外心淡浩然其何
求杖短策而遂往乃枕石而漱流靜芬響於詠言滅
絕景於無質相荒土而卜居度山阿而考室曾丘翳
蒼穹谷重深叢木振穎葛藟垂陰潛魚泳池嚶鳥來
吟仍蔬圃於芝薄卽蘭堂於芳林靡飛颺以赴節揮
天籟以興音假樂土於神造詠幽人於鳴琴 晉孫
承嘉遜賦曰有嘉遜之玄人含貞光之凱邁靡薜荔

於苑柳蔭翠葉之雲蓋揮脩綸於洞瀾臨崢嶸而式
 墜浙清風以長嘯詠九韶而忘味若乃御有撫生應
 物宅心曜華春圃凋葉秋林振藻揚波清景玄陰形
 猶與以徒靡神曠寂而難尋渾無名於域外和丘中
 以草音於是混心齊物遨翔容與薄言采薇收蘿中
 野朝觀夷陸夕步蘭渚仰弋鳴鴈俯釣魴鱖遊無方
 之內居無形之域詠休遜之貞高察天心而觀復委
 性命於玄芒任吉凶而靡錄 宋謝靈運逸民賦曰
 口口于天唯舍唯用其見也則如游龍其潛也則如
 隱鳳來無所從去無所至有酒則舞無酒則醒不明

不物不味不類蕭條秋首兀我春中弄琴明月酌酒
 和風御清風以遠路拂白雲而峻舉指寰中以為期
 望繫外而延佇 又入道至人賦曰爰有名外之至
 人乃入道而館真荒聰明以削智遜支體以逃身於
 是卜居千仞左右窮懸幽庭虛絕荒帳成煙水縱橫
 以觸石日參差於雲中飛英明於對溜積氤氳而為
 峯推天地於一物橫四海於寸心超埃塵以貞觀何
 落落此曾襟 又辭祿賦曰荷賞延之渥恩在弱齡
 而覃惠蒙聖達之眷顧得乘閒以沈世雖鑣羈之有
 名恒遊獎而匪滯解龜紐於城邑反褐衣於丘窟判

人事於一朝與世物乎長絕自牽綴於朱絲奄二九
於斯年服纓珮於兩官執鞭笏於宰蕃 梁簡文帝
玄虛公子賦曰有玄虛之公子輕滅喧俗保此大愚
居榮利而不染豈聲色之能拘迴還四始出入三墳
心溶溶於玄境意飄飄於白雲追寂圃而逍遙任文
林而迭宕忘情於物我之表縱志于有無之上不爲
山而自高不爲海而彌廣 梁陸倕思田賦曰歲聿
忽其云暮庭草颯以委黃風颯颯以吹隙燈黯黯而
無光獨展轉而不寐何增歎而自傷於是踟躕徙倚
顧景興懷塊竽竽以至曙綴予想於田萊彼五畝其

焉在乃爰泊乎江隈出郭門而東驚入淑浦而南迴
爾乃觀其水陸物產原而熙形便林藪挺直丘陵帶面
臨九曲之迴江對千里之平甸風去蘋其已開日登
桑而先見聽啁晰之寒雜弄差池之春燕臨場圃以
築館對櫺軒而鑿池集游泳於階下引朝派於堂垂
瞻巨石之前却玩激水之推移雜青莎之霍靡拂細
柳之長枝感風燭與石火嗟民生其如寄苟有曾而
無心必行難而言易幸少私而寡欲兼絕仁以棄智
忽學步而學趾又追飛而厲翅瞻鹿苑而竊高仰疆
臺而慕義歷四時於遊水馳三稔於申翳望歸流而

載懷情鬱悒其何寘 宋陶潛歸去來曰歸去來今
田園將蕪胡不歸既自以心爲形役奚惆悵而獨悲
悟已往之不諫知來者之可追寔迷途其未遠覺今
是而昨非舟搖搖以輕颺風飄飄而吹衣乃瞻衡宇
載欣載奔僮僕歡迎稚子候門攜幼入室有酒盈樽
引壺觴以自酌眴庭柯以怡顏倚南牕以寄傲審容
膝之易安策扶老以流憩時矯首以遐觀雲無心以
出岫鳥倦飛而知還農人告余以春及將有事於西
疇或命巾車或棹孤舟既窈窕以尋壑亦崎嶇而經
丘木欣欣以向榮泉涓涓而始流善萬物之得時感

吾生之行休已矣乎寓形宇內復幾時曷不委心任
去留胡爲乎遑遑欲何之富貴非吾願帝鄉不可期
懷良辰以孤往或植杖而耘籽登東臯以舒嘯臨清
流而賦詩聊乘化以歸盡樂夫天命復奚疑

頌晉潘岳許由頌曰邈哉許公執真履貞辭堯天下
抱朴隱形川停岳峙澹泊無營棲遲高山與世靡爭
虛薄忝任來宰斯城愧無惠化豹產之政峩峩治所
樂慕景名登基逍遙來道墓庭通於時憲傾筐不盈
恨無旨酒奠公之靈死而不朽公有其榮聊述雅美
揚公馨聲 晉孫綽聘士徐君墓頌曰晉南昌相太

原縣君白漢故聘士徐君之靈惟君風軌英邃德音
徽遠播食仰芳流宗播揖在昔古人有言聞伯夷之
風者懦夫有立志仰先生之道豈無青雲之懷哉余
以不才忝宰茲邑遐宗有道思揖遠風乃與友人殷
浩等束帶靈墳奉瞻祠宇雖玉質幽潛而目想令儀
雅音永寂而心存高範徘徊墟壠仰眄松林哀有形
之短化悼令德之長泯憮然有感悽然增傷夫諷謠
生於情託雅頌興乎所欽匪於詠述孰寄斯懷頌曰
巖巖先生邁此英風含真獨暢心夷體冲高蹈域表
淑問顯融昂昂五賢赫赫八俊雖曰休明或嬰險去

豈若先生保茲玉潤超世作範流光遐振墳壙
松竹蕭森蒼叢蔚蔚虛字惜惜遊獸戲阿嚶鳥鳴林
嗟乎徐君不聞其音徘徊丘側悽焉流襟何以舒蘊
援翰託心 陳江總莊周畫頌曰玉潔蒙縣蘭薰漆
園丹青可久雅道斯存夢中化蝶水外翔鯤出俗靈
府師心妙門垂竿自若重聘忘言悠哉天地共是籠
樊

贊後漢蔡邕焦君贊曰猗歟焦君常此玄墨衡門之
下栖遲偃息泌之洋洋樂以忘食鶴鳴九臯音亮帝
側乃徵乃用將受袞職昊天不弔賢人遘慝不惟一

志并此四國如何穹蒼不詔斯惑惜哉朝廷喪茲舊
德恨以學士將何法則 魏曹植許由巢父池王贊
曰堯禪許由巢父是恥穢其溷聽臨河洗耳池王是
讓以水爲濁嗟此三士清足厲俗 又卞隨贊曰湯
將伐桀謀於卞子旣克讓位隨以爲恥薄於殷世著
自汗已自投潁水清風邈矣 又商山四皓贊曰嗟
爾四皓避秦隱形劉項之爭養志弗營不應朝聘保
節全貞應命太子漢嗣以寧 晉夏侯湛范蠡贊曰
悠悠范子求仁在已進報危國退弘妙理身與勳偕
名與身否逸羣遠遊永齊終始 又魯仲連贊曰我

我先生有邈其節流仁憂亂抗道自黎隨事抑揚與
時開闔在幽能泰處悶惟悅 又莊周贊曰邁邁莊
周騰世獨遊邈時放言齊物絕尤垂釣一壑取成犧
牛望風寄心託志清流 晉孫楚莊周贊曰莊周曠
蕩高才英雋本道根貞歸於大順妻亡不哭亦何所
懼慢弔鼓缶放此誕言殆矯其情近失自然 又榮
啓期贊曰榮公溫雅旣怡旣懌濁以徐清寂然澹泊
援琴自娛詠此三樂眉壽無疆惟德之宅 又原壤
贊曰壤之輒張絕滅禮教實交仲尼同機合奧聖以
之臧俗以之笑獨協區外孰知其妙 晉左九嬪巢

父惠施贊曰泱泱長流沔沔清波思文策惠載詠載
歌垂綸一壑萬象匿多神乎暢矣緬同基阿 晉庾
闡孫登贊曰靈巖霞蔚石室鱗構青松標空蘭泉吐
漏龍會可遊芳津可漱玄谷蕭寥鳴琴獨奏先生體
之寂坐幽岸凝冰結樸熙陽靡煖潛真內全飛榮外
散凌崖高嘯希風朗彈道有冥廢運有昏消達隱不
巖玄跡不標或曰先生晦德逍遙嵇子秀達英風朗
烈道攜熏芳鮮不玉折兆動初萌妙鑿奇絕翹首丘
冥仰想玄哲 晉戴逵閑遊贊曰昔神人在上輔其
天理知溟海之禽不以籠樊服養櫟散之質不以斧

斤致用故能樹之於廣漠棲之於江湖載之以大猷
覆之以玄風使夫淳朴之心靜一之性咸得就山澤
樂閑曠自此而箕嶺之下始有閑遊之人焉降及黃
綺逮於臺尚莫不有以保其太和肆其天真者也且
夫巖嶺高則雲霞之氣鮮林藪深則蕭瑟之音清其
可以藻玄瑩素疵其皓然者舍是焉 故雖援世之
彥翼教之傑放舞雩以發詠聞秉桴而慄厲況乎道
垂方內體絕風塵理楫長謝歌鳳遂巡盪入疵於玄
流澄雲崖而頤神者哉然如山林之客非徒逃人患
避爭門諒所以翼順資和滌除機心容養淳淑而自

適者爾況物莫不以適爲得以足爲至彼閑遊者奚
往而不適矣待而不足故陰映巖流之際偃息琴書
之側寄心松竹取樂魚鳥則澹泊之願於是畢矣然
竒趣難均玄契罕遇終古皆孤栖於一巖獨玩於一
流苟有情而未忘有感而無對則綴斤寢絃之歎固
已幽結於林中驟感於遐心爲日久矣我故遂求方
外之美略舉養和之具爲雜贊八首暢其所託始欣
閑遊之遐逸終感嘉契之難會以廣一往之詠以抒
幽人之心云爾茫茫草昧繇邈玄世三極未鼓天人
無際萬器旣判靈杵乃翳寔有神宰忘懷司契冥外

旁通潛感莫滯總順巢尚兼應夷惠緬矣遐風超哉
絕步顧揖百王仰怡泰素矜其天真外其躋務詳觀
羣品馳神萬慮誰能高佚悠然一悟又尚長贊曰
尚叟冲順庸行昏世和龍婉約玄識罔滯瞻彼崇高
俄爲塵翳亦有同好潛莊夙契超超增翥眇眇偕逝
跡絕青崖影滅雲際晉庾亮翟徵君贊曰夫所謂
至人者體包傑量神凝域表該落萬動玄心獨融故
能虬驤慶霄而不繼參龍之轡鳳鳴瑤林而不屈伶
倫之籠豈必欣太清而樂瓊藹哉顧蹄涔不足以濯
神鬚翳蒼不足以翔雲翮是故藐姑有綽約之廬箕

阜有高嘯之宇唐勳表於玄庭夏功忘於虛室晉徵
士南陽翟君稟逸韻於天陶含冲氣於特秀體虛任
而委順恢昭曠而高蹈先生載營抱一泊然獨處神
栖颺藹之表形逸巖澤之隅雖束帛仍降輅冕屢招
而弓旌屈於匪石帝命慙於虛復矣是以高風振宇
宙遠詠冠當時方將表大庭於絕代恢玄解以釋紛
仰朝霞而晞翼陵扶搖以獨翔景命不延卒於尋陽
之南山哲人其萎高軌孰倣余欽若人之風常問道
於無何之廬質想玄珠主以瞻授沐道霑淳固以實
而歸矣自昔之違於茲七稔何悟先生忽焉升遐感

至德之長泯悼仁風之永翳標爾其傷潛然增欷乃
援翰詠跡以宣來葉其辭曰卓哉先生逸韻遐超蚪
盤玉津鳳戢瓊條條耳夏鼎高揖唐朝洪崖邈矣玄
跡載劭淳風沐世飛芳九霄 晉方湛北叟贊曰樂
爲憂根禍爲福始數極則旋往復迭起世人迷之橫
生欣恥滔滔北叟獨亮玄理喪馬弗希折肱愈喜淡
哉一生無泰無否 宋陶潛張長公贊曰達哉長公
蕭然何事世路皆同而我獨異歛轡竭來閑養其志
寢跡窮年誰知斯意 又周妙珪贊曰美哉周子稱
疾閑居寄心清商恬然自娛翳翳衡門洋洋泌流曰

玩羣書顧眊寡疇飲河既足自外皆休緬懷千載託
契孤遊 又魯二儒贊曰易大隨時迷變則愚芬芬
若人特爲貞夫德不百年汗我詩書逝焉不顧被褐
幽居 又夷齊贊曰二子讓國相隨海隅天人革命
絕景窮居採薇高歌慨想黃虞貞風凌俗爰感懦夫
又尚長禽慶贊曰尚子昔溥宦妻孥共早晚貧賤
與富貴讀易悟益損禽生善周遊周遊日已遠去矣
尋名山上山豈知返 宋范泰張長公贊曰長公秉
心獨逸世表量物難同審已彌了情雖高遠跡無抗
矯靡當夷惠孰識多少 又高鳳贊曰遐哉玄古邈

矣皇羲自茲已降顯默參差智爲世駭才爲物奇跡
出無泯潛躍俱馳曖曖若人孰測其爲哉唯幽壑採
真重崖冲情莫亮汗跡示疵輕俗無際肆志莫羈
又吳季子札贊曰延州高遠棄國師誠優遊大邑觀
風上京仁懷邦壤道暢聖明鑿徹昔代樂察未形羸
博遠死解劍在生夫子戾止爰詔作明 齊王儉竟
陵山居贊曰升堂踐室金暉玉朗壘壘大韶遙遙間
賞道以德弘聲山業廣義重實歸情深虛往濠梁在
茲安事遐想 梁沈約高士贊曰余之所謂高士者
悠悠皆是請試言之聖人莅天下則賢人贊務尚益

臯陶是也自中智以下莫不有學以從政佐國安民者也易曰聖人之大寶曰位非學則不得也學所以行其志孝弟慈仁信義是也雖誦先王之典謨而不行其志聖人之大寶亦不可得也要須學行兼有然後取之悠悠之徒莫不攘袂而議進取怒目而爭權利悅愚諂闇苟得忘廉若斯人者豈入國士之塗動衣冠之明藉此而登高位未或有也贊曰亦有哲人獨執高志避世避言不友不事恥從汗祿靡惑守餌心安藜藿口絕炮燄取足落毛寧懷組織如金在沙顯然自異猶玉在泥涅而不緇身標遠迹名重前記

有美高尚處知若無劣哉羣品事靜心驅苟能立志爭此匹夫進忘隕獲退守恬愉曰仁與義其徑不迂爲之則至非物所拘宦成名立陟彼高衢 又銷聲贊曰寂矣栖魂非海非樊若人焉往斯理空存天標已曖絕羽孤鶩堯逢豈讓札值奚言 周庾信五月披裘負薪畫贊曰披裘當夏俗外爲心雖逢季子不拾遺金禽巢欲遠魚穴惟深銷聲滅跡何必山林又張良遇黃石公畫贊曰張良取履跪授無辭兵書一卷長者之期昔稱韓相今爲漢師穀城餘石還歸舊祠 又榮啓期三樂畫贊曰榮期 樂惟人與年

夫子相遇卽以爲賢性靈造化高風自然雅音雖古
獨有鳴絃

[Faded vertical text columns, likely bleed-through from the reverse side of the page]

